



18

HARVARD COLLEGE LIBRARY
FROM THE
HARVARD-YENCHING
INSTITUTE
JUN 17 1931

T Ch LR 2458/3²₁₃





御定歷代紀事年表卷二十七

起癸巳漢成帝河平元年。凡二十八年

止庚申漢哀帝元壽二年

表例說

見第二十一及二十二二十三卷

哈佛大學哈佛燕京
圖書館珍藏印

漢成帝

己癸

河平元年

春以王延世為河堤使者。塞河決。○杜欽薦犍為王延世。鳳以為河堤使者。延世以竹落長四丈大九圍。盛以小石。兩船夾載而下之。三十六日堤成。詔以延世為光祿大夫。秩中二千石。賜爵關內侯。黃金百斤。
夏四月己亥晦。日食。詔百官陳過失。○光祿大夫劉向對曰。四月交於五月。月同孝惠日同孝昭。其占恐害繼嗣。是時許皇后專寵。後宮希得進見。中外皆憂。上無繼嗣。故杜欽谷永及向皆及之上。於是減省椒房掖庭用度。皆如竟寧以前故事。皇后上書自陳。以為時世異制。織微之間。未必

淮陽王欽

封三十六年。薨諡憲子文王元立。至哀帝元壽元年再見。

樂陵侯史崇

自宣帝時封侯高孫。凡四年薨。諡康。無子。絕十六歲。至帝元延二年。淑再見。

竇梁侯彊

封四年薨。諡懷。無子。國除。

可同。家吏不曉。壹受詔。使妾搖手不得。或不能得。必繩妾以詔書。所以約制妾者。恐失人理。惟陛下深察焉。上采谷永等言報之。且曰。吏拘於法。亦安足過。矯枉過直。古今同之。且財帛之省。其於皇后。所以扶助德美。為華寵也。孝文皇帝朕之師也。皇太后。皇后成法也。皇后其刻心秉德。謙約為右。垂則列妾。使有法焉。六月。罷典屬國。并大鴻臚。秋。復太上皇寢廟園。○給事中平當言。太上皇。漢之始祖。廢其寢廟園。非是。上亦以無繼嗣。遂納當言。減死刑省律令。○詔曰。今大辟之刑。千有餘條。律令煩多。百餘萬言。奇請它比。日以益滋。自明習者。不知所由。欲以曉

漢成帝

諭眾庶不亦難乎其議減死刑及可蠲除約省者令較然易知條奏時有司不能廣宣德意徒鉤撫微細毛舉數事以塞詔而已○奇居疑反謂常文之外主者別有所請以定罪也

附

附

甲午

河平二年

春正月匈奴遣使朝獻○伊邪

莫演等奉獻朝正月將遣歸

自言欲降即不受我我自殺

終不敢還下公卿議或言宜

受谷永杜欽以為單于稱臣

朝賀既饗其聘貢之職而更

受其逋逃之臣是貪一夫之

得而失一國之心擁罪之

臣而絕慕義之君也假令單

于使之詐降或設反間欲因

而生隙受之適合其策不如

勿受從之遣問降狀伊邪莫

演曰我病狂妄言耳遣去歸

到官位如故不肯令見漢使

沛郡鐵官冶鐵飛○鐵飛何金

失性也故通鑑不書綱目特

書之

夏楚國雨雹大如釜○釜綱目

山陽王康

徙封八年

夏再徙封

定陶至帝

陽朔二年

再見

平阿侯王譚

以皇太后

弟關內侯

封二千一

百戶是為

安侯至帝

鴻嘉四年

再見

高平侯王逢

以皇太后

弟關內侯

封三千戶

是為戴侯

至帝元延

四年侯置

再見

夜郎

夜郎王與

與鈞町王

禹漏臥侯

俞更舉兵

相攻天子

遣張匡持

節和解興

等不從命

刻木象漢

吏立道旁

射之祥祠

太守陳立

至興國且

同亭召興

斬之

匈奴

春復株累

單于遣右

臯林王伊

邪莫演入

朝貢獻

伊邪莫演

詐言欲降

漢不受歸

官位如故

不令見漢

使

漢成帝

作斧

徙山陽王康為定陶王
六月悉封諸舅為列侯。○譚商
立根逢時五人同日封。世謂
五侯。○太后母李氏更嫁河
內苟賓生子參。太后欲以田
蚡為比而封之。上曰。封田蚡
非正也。以參為侍中。水衡都
尉。

免京兆尹王尊官。復以為徐州
刺史。○御史大夫張忠奏尊
暴虐倨慢。尊坐免官。吏民多
稱惜之。湖三老公乘與等上
書訟尊撥劇整亂。誅暴禁邪。
前所希有。今御史大夫奏原
其所以出。御史丞楊輔素與
尊有私怨。傅致奏文臣等竊
痛傷尊修身潔已。砥節首公
刺譏不憚將相。誅惡不避豪
強。京師盜起。選用為卿。賊亂

成都侯王商平恩侯許況

以皇太后
弟關內侯
封二千戶
以大司馬
益封二千
戶是為景
成侯至帝
元延元年
再見

嗣封一年
是為嚴侯
至帝鴻嘉
二年侯旦
再見

鈞町

陳立召夜
郎王斬之
鈞町王禹
漏臥侯俞
震恐入粟
千斛。牛羊
勞吏士

附

既除以佞廢職。一尊之身。三
期之間。乍賢乍佞。豈不甚哉。
上復以尊為徐州刺史。

兩夷相攻。以陳立為牂牁太守。

討平之。○夜郎王興。鈞町王

禹。漏臥侯俞。更相攻擊。牂牁

太守請發兵誅興等。議者以

為道遠不可擊。遣大中大夫

張匡持節和解。興等不從命。

杜欽說王鳳曰。宜因其罪惡

未成。未疑漢家加誅。陰救旁

郡守尉練士馬。大司農豫調

穀積要害處。選任職太守。往

誅其王侯。尤不軌者。鳳薦陳

立為牂牁太守。立至。諭告興。

興又不從。立乃從吏數十人

出行縣。至與國。召興。至。立數

責。因斷頭。出曉士眾。以興頭

示之。皆釋兵降。禹俞震恐。入

粟牛羊勞吏士。○立還歸郡。

紅陽侯王立

以皇太后
弟關內侯
封二千一
百戶。是為
荒侯。至平
帝元始三
年再見

漏臥

詳見上

漢成帝

興妻父翁指與子邪務收餘兵迫脅旁邑反立秦募諸吏與都尉長史分將攻擊蠻夷共斬翁指降西夷遂平

曲陽侯王根

以皇太后弟關內侯封三千七百戶再封大司馬益封七千七百戶是為揚侯哀帝又益封二千戶凡萬三千四百戶至哀帝建平元年涉再見

乙未 河平三年

春正月楚王囂來朝○囂宣帝

子上叔父也詔以囂素行純

茂特加顯異封其子勳為廣

戚侯

二月隄為地震山崩壅江水水

逆流

秋八月乙卯晦日食

求遺書○上以中秘書頗散亡

使謁者陳農求遺書於天下

詔光祿大夫劉向校經傳諸

子詩賦步兵校尉任宏校兵

書太史令尹咸校數術侍醫

李柱國校方技每一書已向

輒條其篇目撮其指意錄而

奏之向以王氏權盛而上方

向詩書古文乃因尚書洪範

集合上古至秦漢符瑞災異

之記推迹行事著其占驗比

楚王囂

徙封二十

五年

入朝

詔王以叔

父素行純

茂特加顯

異封其一

子勳為侯

廣戚侯勳

以楚孝王

子封是為

揚侯傳侯

顯再傳子

嬰方二歲

莽利其幼

立為皇太

子

七陽侯任暉

嗣封一年

至明年再

見

類相從。凡十六篇。號曰洪範五行傳論。奏之上。心知向忠。精為鳳兄弟起論。然終不能奪王氏權。○書求遺書何美之也。

明丘濬曰。後世推五行休咎之術。其端始於董仲舒。而盛著於劉向之書。故紀之。歐陽修曰。所謂災者。被於物而可知者也。水旱蟲螟之類是已。所謂異者。不知其所以然者也。日食星孛之類是已。春秋紀災異而不書事。應蓋謹之也。以為天道遠。非淳淳以喻人。而君子見其變。則知天之所以譴告。恐懼修省而已矣。若推其應而有合有不合。有同有不同。則將使君子殆以為偶然。而不懼此。

其深意也

河復決。復命王延世塞之。○河復決平原。流入濟南。千乘所壞敗者。半建始時。復遣王延世與丞相史楊焉將作大匠許商諫大夫乘馬延年同作治。六月乃成。復賜延世黃金百斤。治河卒非受平賈者。為著外繇。六月。○乘馬。姓也。賈讀價。著。著籍外繇。成邊也。治河有勞。執役雖近。得比繇。成六月也。

丙申 河平四年

春正月匈奴單于來朝。丞相王商多質有威重容貌絕人。單于來朝拜謁商仰視大畏之。遷延却退上聞歎曰真漢相矣。

赦天下徒。賜孝弟力田爵二級。諸逋租賦所振貸勿收。

二月單于罷歸國。三月癸丑朔日食。

夏四月詔收丞相樂昌侯商印綬。商以憂薨。琅邪太守楊彤與王鳳連昏其郡有災害。商按問之。鳳請不聽。竟奏免彤。奏果寢不下。鳳怨商使人告商淫亂事。上以暗昧不足傷大臣。鳳爭下其事。司隸大中大夫張匡素佞巧。上書詆商。有司奏請召商詣詔獄。上

定陶王康

再徙二年。春入朝。

安昌侯張禹 義成侯甘延壽 屬賓

以丞相封。壽六百一十七戶。益戶四百。至哀帝建平二年再見。封九年薨。傳侯建。

匈奴

去長安萬二千二百里。復株累單于朝漢。

初武帝通西域屬賓。自以絕遠。漢兵不能至。獨不服。數剽殺漢使。久之漢使者文忠與容屈王子陰末赴合謀攻殺其王烏頭。勞立陰末。赴為屬賓。王軍候趙

知匡險制曰勿治。鳳固爭詔收商丞相印綬。三日發病。歐血薨。謚戾侯。子弟親屬為駙馬都尉侍中。中常侍諸曹大夫郎吏者皆出補吏。莫得畱給事宿衛者。有司請除國邑。詔長子安嗣爵為樂昌侯。

以張禹為丞相。上為太子受論語於禹。及即位賜爵關內侯。拜光祿大夫給事中。與鳳並領尚書。禹內不自安。數病。上書欲退避。鳳上不許。撫待愈厚。遂以為相。封安昌侯。

遣光祿大夫博士嘉等十一人。行舉瀕河之郡。水所毀傷。困乏不能自存者。或振貸。水所流壓死不能葬者。給槨積葬。埋已葬者與錢人二千。避水它郡國在所冗食之。

屬賓遣使來獻。初武帝通西

楚王翳

徙封二十六年薨。謚孝子。懷王芳立。至明年再見。

樂昌侯王商 七陽侯任暉

益封五年。為丞相五年。忤大司馬鳳免。以憂薨。謚戾侯。子安嗣。至平帝元始三年再見。

嗣封二年。薨。謚愿子。岑嗣。

德使屬賓。與陰末赴相失。陰末赴鎖琅當。德殺嗣。以下七十餘人。遣使上書謝。元帝以絕域不錄。放其使者於縣度。及上即位。復遣使謝罪。漢欲遣使報送其使。杜欽說。鳳遂勿遣。使自是數年輒一使人貢獻。

漢成帝

域屬賓自以絕遠漢兵不能至數剽殺漢使遣使來謝孝元絕而不通至是復遣使謝罪議遣使報送杜欽說鳳曰中國所以通厚蠻夷者為壤比而為寇也今縣度之阨非屬賓所能越也其嚮慕不足安西域雖不附不能危城郭前逆不通今悔來謝而無親屬貴人奉獻者皆行賈賤人欲通貨市買以獻為名故煩使者送至縣度恐失實見欺起皮山南去長安萬餘里更不屬漢之國四五時為所侵盜須諸國稟食國或貧小不能食或桀黠不肯給擁大漢之節餒山谷之間乞食無所得又歷大小頭痛之山赤土身熱之阪令人身熱無色頭痛嘔吐驢畜盡然又有三池磐石阪

梁王嘉

嗣封十五年薨諡荒子王立立至平帝元始三年再見

長羅侯常翁博望侯許竝

嗣封一年本始三年封侯惠會孫翁嗣四十九年薨無後國除傳四世

嗣封一年元康三年封頃侯舜曾孫戾侯黨子竝嗣是為釐侯無子至帝元延三年侯報子再見

縣度石山在烏秣國西谿谷不通以繩索相引而度

附

道陔者尺六七寸長者徑三十里臨不測之深騎步相持繩索相引二千餘里乃至縣度今遣使者勞吏士涉危難罷傲所恃以事無用非久長計也使者業已受節可至皮山而還於是鳳白從之屬賓實利賞賜賈市其使數年而一至云

山陽火生石中○詔改明年元日陽朔

丁酉 陽朔元年

春二月丁未晦日食。三月赦天下徒。冬下京兆尹王章獄殺之。時大將軍鳳用事上無所顧劉向少子歆有異材召見歆誦詩賦上說之欲以為中常侍召取衣冠臨當拜左右皆曰未曉大將軍上曰此小事何須關大將軍左右叩頭爭上於是語鳳鳳不可乃止王氏子弟分據勢官滿朝廷杜欽戒鳳不聽。上體常不平定陶王康來朝太后與上承先帝意賞賜十倍於他王不以往事為纖介先帝欲以留之京師上謂曰我未有子人命不諱一朝有他且不復相見爾長留侍我矣後疾瘳甚親

定陶王康

再徙三年王鳳以日食上言定陶王不宜留京師上不得已許王就國涕泣而別

六安王光

嗣封二十七年薨諡頃子育嗣三十二年已巳莽篡為公一年廢景帝七世孫六安自元狩二年恭王慶以膠東康王少子封傳五世

弋陽侯任岑

嗣封一年二十四年薨是為孝侯傳侯固至平帝元始元年再見

重之鳳心不便會日食因言定陶王當奉藩在國今留侍

信都王興

封十四年徙封中山是為孝王至帝綏和元年再見

廣陽王舜

嗣封二十一年薨諡穆子思王璜立至哀帝建平三年再見

義成侯甘建

嗣封一年是為賜侯十九年薨至哀帝建平二年遷再見

詭正非常故天見戒上不得已許王辭涕泣而決。王章素剛直敢言雖為鳳舉不附鳳乃奏封事言日食皆鳳專權蔽主之過上召問對曰天道聰明佑善災惡今陛下引近定陶王所以承宗廟重社稷順天心安百姓此正議善事當有祥瑞何故致災異災異之發為大臣專政者也今大將軍猥歸咎定陶王建遣之國苟欲使天子孤立於上顯擅朝事非忠臣也且日食陰侵陽臣顯君之咎今政自鳳出天子曾不一舉手且鳳誣罔不忠非一事也前丞相商內行篤有威重國家柱石臣也守正不隨卒為鳳罷以

漢成帝

憂死鳳小婦弟張美人已適人。鳳托言宜子內之後宮。此皆陛下所自見。足知其餘。宜退使就第。選忠賢代之。上曰。微京兆直言。吾不聞社稷計。且惟賢知賢。試為朕求可以自輔者。章薦琅邪太守馮野王。忠信質直。智謀有餘。上久聞野王名。欲倚以代鳳。章每見上。輒辟左右。時鳳從弟侍中音獨聞。告鳳。鳳憂懼。杜欽令鳳稱病上疏。乞骸骨。辭旨甚哀。太后垂涕不食。上自少親鳳。不忍廢。優詔強起。鳳視事。使尚書劾章非所宜言。下獄。中。妻子徙合浦。自是公卿見鳳。側目而視。野王不自安。遂病。三月。賜告歸。杜陵。鳳風御史劾野王私持虎符出界。

楚王芳

嗣封一年。薨。謚懷無子。至明年。衍再見。

歸家。杜欽謂野王罪在未制。令前刑賞大信。不可不慎。鳳不聽。竟免野王官。時多寃王。章欲救鳳。過說鳳舉直言。極諫。並見郎從官。展盡其意。加於往前。以明示四方。使天下咸知主上聖明。不以言罪下也。鳳行其策。○杜欽之罪。浮於谷永。以其與王鳳計議。為之文過也。

魯王封

嗣封二十八年。薨。謚頃子文王。駿立。至哀帝建平二年。再見。

以薛宜為左馮翊。○宜為陳雷

太守。有聲迹。宣子惠為彭城令。宜過之。知惠不能。不問以吏事。或問宜何不教以吏職。宣笑曰。吏道以法令為師。可問而知。及能與不能。自有資材。何可學也。○宜為馮翊屬令。有揚湛謝游。皆貪猾。宜察湛有改過之效。乃密書曉之。游自以大儒輕宜。乃移書顯

漢成帝

責二人皆解印綬去。又頻陽多盜，令薛恭本孝者職不辦。粟邑僻小易治，令尹賞久用事吏。宣奏二人換縣數月，兩縣皆治。宣得吏民罪名，即告其縣長吏，使自行罰。曰：不欲代縣治，奪賢令長名也。宣賞罰明，用法平，而必行所居。皆有條教，可紀性靜密，有思下至財用筆研，皆為設方畧，利用而省費。

戊戌

陽朔二年

春三月，大赦天下。

御史大夫張忠卒。

夏四月，以侍中太僕王音為御史大夫。○時王氏愈盛，郡國守相刺史皆出其門。五侯羣弟爭為奢侈，賂遺四至，皆好士養賢，傾財施予，以相高尚。

賓客滿門，競為聲譽。劉向上封事，極諫曰：王氏一姓，乘朱輪華轂者二十三人，大將軍秉事用權，五侯驕奢僭盛，並作威福，擊斷自恣，行污而寄治身私，而托公，依東宮之尊。

太后率居長樂宮，假甥舅之親，以為威重。尚書九卿州牧郡守，皆出其門。稱譽者登進，忤恨者誅傷。排擯宗室，孤弱公族。其有智能者，尤非毀而

定陶王康

始封濟陽王。徙封山陽王。再徙定陶王。凡十七年薨。謚共子欣。嗣年三歲。元帝孫也。至帝綏和元年，徵入為皇太子。

陰平侯回

以楚孝王子封。是為釐侯。傳侯詩。免至平帝元始元年，闕以孝王孫復封承鄉侯。

宜城侯燕武

嗣封一年。侯倉曾孫。是為煬侯。傳侯級。侯舊莽敗絕。

中山王興

徙封二年。

漢成帝

不進內有管蔡之萌外假周公之論外戚僭貴未有如王氏者也物盛必有非常之變先見為其人微象王氏先祖墳墓在濟南者其梓柱生枝葉扶疏上出屋根函地中雖立石起柳無以過此之明也事勢不兩大王氏與劉氏亦且不並立如下有泰山之安則上有累卵之危陛下為人子孫守持宗廟而令國祚移於外親縱不為身奈宗廟何婦人內夫家而外父母家此亦非皇太后之福也宜發明詔援近宗室親而納信黜遠外戚母授以政皆罷令就第誠東宮之意外家之福也王氏永存保其爵祿劉氏長安不失社稷此子孫孫無疆之計如不行此策田氏復見

楚王衍

紹封一年以孝王次子紹封至哀帝建平四年再見○孝王囂宣帝子

樂平侯詡

以淮陽憲王子封病狂免國除○憲王欽宣帝子

真定王雍

嗣封十六年薨謚安子共王普嗣至帝綏和元年再見

騏侯駒崇

元鼎五年封侯駒幾傳侯督及侯崇薨謚釐無子絕十一歲至帝元延元年紹封崇弟侯詩五百五十戶

於今六卿必起於漢為憂甚明惟陛下深留聖思書奏上召見向歎息悲傷其意曰君且休矣吾將思之然終不能用其言秋關東大水流民欲入函谷天井壺口五阮關者勿苛留徙信都王為中山王

陽朔三年

春三月。隕石東郡八。
 夏六月。潁川鐵官徒作亂。討平之。○鐵官徒申屠聖等百八十人。殺長吏盜庫兵。自稱將軍。經歷九郡。遣丞相長史御史中丞逐捕。以軍興從事。皆伏辜。
 秋八月。大司馬大將軍鳳薨。○鳳疾病。上臨問之。執手涕泣。曰。將軍病如有不可言。平阿侯譚次將軍矣。鳳頓首泣曰。譚雖至親。行皆奢僭。不如御史大夫音謹。敕臣敢以死保之。及鳳且死。上疏謝。上復薦音自代。言譚等五人必不可用上。然之初。譚倨不肯事鳳。而音敬鳳。卑恭如子。故薦之。九月。以王音為大司馬車騎將。

陽平侯王鳳 成安侯郭長

益封十二年。○
 以大司馬大將軍薨。謚成子襄。嗣是為釐侯。傳康侯。岑莽時侯。莫嗣至更始元年。為兵所殺。
 嗣封一年。元鳳三年。封侯忠曾。孫是為郾侯。傳釐侯。前無後國。除至孺子。居攝元年。侯安以忠。玄孫之子。紹封莽敗。絕。郾音。

營平侯趙岑

嗣封一年。至帝元延三年再見。

軍詔王譚位特進。領城門兵。○長安十二城門皆有屯兵。安定太守谷永以譚失職。勸譚辭不受。城門職由是譚音相與不平。○自武帝增重加官。綱目卒大司馬。未有不書姓者。鳳具官矣。不書姓。何黜之也。王氏曰。盛劉氏將移。君子所不忍書也。自是卒音商。根皆不書姓。必若譚之無權。而後可以書矣。
 冬十一月。光祿勳于永為御史大夫。○永定國子。

庚子

陽朔四年

春二月。赦天下。
夏四月。雨雪。○四月。雪。帝世嘗一書矣。於是再書。大異也。其為異。奈何。鳳死。音繼。外戚之陰盛也。終綱。目書。四月。雪。二秋。以少府王駿為京兆尹。○駿。吉子。先是。京兆有趙廣。漢張敞。王尊。王章。至駿。皆有能名。故京師稱曰。前有趙張。後有三王。
立烏孫拊離子安日為小昆彌。復使段會宗都護西域。

東平王宇

封三十二年。薨。謚思子雲。嗣。○宇。宣帝子。

郡鄉侯閔

魯頃王子。封十七年。至哀帝建平三年。進為王。

建鄉侯康

魯頃王子。封。是為釐侯。傳。侯。自當免。

烏孫

小昆彌烏就屠。子拊離。代立。為弟日貳所殺。漢遣使者立拊離子安日。為小昆彌。日貳亡。阻康居。安日使貴人姑莫匿等三人。詐亡。從日貳。利殺之。於是西域諸國。上書。願復得前都護段

高密王寬

嗣。封。十一年。薨。謚懷子王慎。嗣。二十九年。莽篡廢。武帝六世孫也。自本始元年。哀王弘。以廣陵厲王子。封。傳。四世。

膠鄉侯成

初元元年。封侯。漢子。是為節侯。薨。無子。國除。

會宗。上從之城郭。諸國聞之。皆翕然親附。

丑辛

鴻嘉元年

春正月。以薛宣為御史大夫。○谷永奏言。帝德莫大於知人。知人則百僚任職。天工不曠。不宜以名譽加於實效。御史大夫任重職大。少府宜達於從政。舉措時當。經術文雅。足以謀王體。斷國論。身兼數器。唯陛下留神考察。上然之。二月。幸初陵。赦作徒。更以新豐。戲鄉為昌陵縣。奉初陵。○戲鄉。戲水之鄉。在新豐。帝始為微行。○上始微行。從期門郎。或私奴。或乘小車。或皆騎。出入市里。郊野。遠至旁縣。甘泉長楊。五柞。鬪雞。走馬。常自稱富平侯家人。富平侯者。張安世四世孫。放也。放父臨。尚敬武公主。生放。為侍中。

城陽王恢

嗣封三十一年。薨。謚戴子哀王。雲嗣。至明年再見。

栗鄉侯護

東平思王子。封是為頃侯。傳侯元成。免。至平帝元始元年。護子不害等五人再見。

安陽侯王音

以皇太后從弟大司馬車騎將軍。封千六百戶。至帝永始二年再見。

望侯冷廣

以濕沃公士。告男子馬政。謀反。功封是為忠侯。傳侯何齊。至莽敗。絕。○冷音。零。濕。沃。縣。各。公。士。爵。名。

博陽侯丙昌

復封一年。元康三年。封侯。吉孫。自甘露元年。侯顯。削除。重。是。昌。以顯弟復封。是為康侯。至平帝元始二年。竝再見。

匈奴

復株累若鞮單于立。十一年春。卒。弟左賢王且麋胥立。為搜諧。若鞮單于。以弟且莫車為左賢王。遣子左祝都韓王駒。留斯侯入侍。

東平王雲

嗣封一年。至哀帝建平三年再見。

安丘侯常

高密頃王子。封二十八年。免。○武帝玄孫。

高陽侯薛宣

以丞相封。至帝永始二年再見。

郎將。娶許皇后女弟。寵幸無比。故假稱之。

三月。丞相禹罷。○禹以老病罷。朝朔望。位特進。見禮如丞相。賞賜前後數千萬。

夏四月。以薛宣為丞相。封高陽侯。○宣為相。官屬譏其煩碎。無大體。

京兆尹王駿為御史大夫。六月。封車騎將軍王音為安陽侯。○音以從舅。小心親職。上以音自御史大夫。入為將軍。不獲宰相之封。六月。封為安陽侯。

冬。黃龍見真定。匈奴復株累若鞮單于死。弟且麋胥立。為搜諧若鞮單于。遣子左祝都韓王駒。留斯侯入侍。以且莫車為左賢王。

桑丘侯頃

東平思王子。封至平帝元始元年。頃子寄生等十二人再見。

西平侯于恬

嗣封一年。侯定國孫恬。嗣四十年。至更始元年絕。

平昌侯王獲

嗣封一年。地節四年。封侯。無故曾孫獲。嗣三十八年。至世祖建武中。詔復獲爵。○復以其失爵。復之也。

龍維侯韓寶

武帝後元年。封侯。曾子薨。謚思無子。以寶從弟節侯共。紹封侯。侯敞。弓至莽敗。絕。

式侯霸

嗣封一年。初元元年。封侯。憲子。是為哀侯。至帝元延元年。萌再見。

武陽侯史丹

嗣封一年。地節四年。封樂陵侯高。少子帝。為太子時。輔導恩封。是為頃侯。傳煬侯邯。至哀帝元壽二年。獲再見。

寅壬

鴻嘉二年

春上行幸雲陽甘泉。三月飛雉集未央宮承明殿。博士行大射禮有飛雉集於庭。歷階登堂而雉又集太常宗正丞相御史車騎府又集未央宮承明殿。王音曰雉者聽察先聞雷聲故月令以紀氣。經載高宗雉之異以明轉禍為福之驗。今以博士行禮之日大衆聚會飛集登堂。歷三公之府然後入宮宿留。告曉深切。後帝使詔音曰。聞捕得雉。毛羽頗摧折。類拘執者。得無人為之音。又曰。今繼嗣不立。失行流聞。外有微行之害。內有疾病之憂。皇天數見災異。尚不能感動陛下。臣子何望。獨有極言待死而已。

廣德王雲客 桃鄉侯宜

復封一年。五鳳三年。中山懷王。修薨無子。至是立懷王從父弟子雲客為廣德王。中山憲王福孫也。至明年再見。

承鄉侯德天 平臺侯史習

甘露四年。封侯當子。坐恐獨國人受財贓五百以上。國除。景帝玄孫承音証。

嗣封一年。元康三年。封戴侯元傳侯恁子。

如不然老母少得處所。尚何皇太后之有高祖天下。當誰屬乎。宜謀於賢智。以求天意。繼嗣可立。災變可銷也。飛自外來。非拘執也。雉集宮殿。宮空之兆。終綱目一而已。

城陽王雲

嗣封一年。薨。謚哀。自景王章傳國十世。至雲無子。國除。至平帝元始元年。弟俚再見。

新陽侯永

魯頃王子。封是為頃侯。傳侯級。免。

平恩侯許旦

嗣封一年。是為質侯。二十九年。薨。傳侯敬莽敗絕。

夏徙郡國豪桀於昌陵。○初元

帝儉約。渭陵不復徙民起邑。帝起初陵。數年後樂霸陵曲亭南更營之。將作大匠解萬年。使陳湯為奏。請為初陵徙民起邑。欲自以為功。求重賞。湯因自請先徙。冀得美田宅。上從之。果起昌陵邑。徙郡國豪桀五千戶於昌陵。

賜丞相御史將軍列侯公主中

二千石冢地第宅

五月。隕石於杜郵三

六月。立中山憲王孫雲客為廣

德王。

卯癸

鴻嘉三年

夏四月赦天下大旱

王氏五侯有罪詣闕謝赦不誅

○王氏五侯爭以奢侈相尚

商嘗病欲避暑從上借明光

宮後又穿長安城引內灑水

注第中大陂行船立羽蓋張

周帷楫棹越歌上幸商第見

而銜之後微行過曲陽侯第

見園中土山漸臺象白虎殿

於是怒以讓車騎將軍音商

根欲自黜劓以謝太后上大

怒使尙書責問司隸校尉京

兆尹知商等奢僭不軌藏匿

姦猾阿縱不舉奏正法二人

頓首省戶下也禁門又賜音策

書曰外家何甘樂禍敗而欲

自黜劓戮辱於太后前傷慈

廣德王雲客成鄉侯霸

復封二年

薨諡夷無

子○景帝

八世孫絕

十五歲至

哀帝建平

三年漢再

見

蒲侯蘇夷吾

征和二年

封侯昌子

坐婢自贖

爲民復掠

以爲婢國

除

母之心以危亂國家今將一

施之君其召諸侯令待府舍

是日詔尙書奏文帝誅將軍

薄昭故事音藉稟請罪商立

根皆負斧質謝良久乃已上

特欲恐之實無意誅也

尹起莘曰成帝嘗策免大

司馬許嘉詔收丞相商印

綬殺京兆尹王章矣綱目

皆無罪可書今五侯僭逼

乘輿罪狀顯明而赦之何

哉嗚呼觀將軍薄昭自殺

之文則知文帝之所以興

觀五侯有罪赦不誅之文

則知成帝之所以哀然則

漢非王氏亡之實成帝自

亡之也

秋八月孝景廟北闕災

冬十一月廢皇后許氏○初許

皇后與班婕妤皆有寵上遊

成陵侯德

神爵四年

封侯充子

坐弟與後

母亂共殺

兄德知不

舉不道下

獄瘐死國

除○德景

帝玄孫

樂成侯許去

疾

嗣封一年

元康三年

封侯延壽

曾孫至帝

元延二年

再見○一

云去疾無

子元延二

年節侯恭

以哀侯常

弟紹封千

戶

漢成帝

後庭欲與婕妤同輦辭曰觀古圖畫聖賢之君皆有名臣在側三代末主乃有嬖妾今欲同輦得無近似之乎上善其言而止太后聞喜曰古有樊姬今有班婕妤後上微行過陽阿主家悅歌舞者趙飛燕召入宮大幸有女弟復召入姿性尤醜粹左右皆嘖嘖嗟賞有宣帝時披香博士淖方成在帝後唾曰此禍水也滅火必矣姊弟俱為婕妤貴傾後宮於是趙飛燕譖告許皇后班婕妤挾媚道祝詛後宮晉及主上許后廢處昭臺宮后姊謁皆誅死親屬歸故郡考問班婕妤對曰妾聞死生有命富貴在天修正向未蒙福為邪欲以何望使鬼神有知不受不臣之愆如其無

知愆之何益故不為也上善其對赦之賜黃金百斤婕妤恐久見危乃求共養太后於長信宮許之

廣漢鄭躬等作亂○躬等六十餘人攻官寺篡囚徒盜庫兵自稱山君

甲辰 鴻嘉四年

秋。河水溢。渤海清河信都河水溢。灌縣邑三十一。敗官亭民舍四萬餘所。平陵李尋奏言。可且勿塞。以觀水勢。河欲居之。當稍自成川。跳出沙土。順而圖之。必有成功。而用財力寡。於是不塞。朝臣言百姓可哀。上遣使者處業振贖之。○處業謂安處之。使得居業。冬。以趙護為廣漢太守。討鄭躬等平之。○躬等犯歷四縣。眾且萬人。州郡不能制。冬。以河東都尉趙護為廣漢太守。發郡兵及蜀郡合三萬人擊之。或相捕斬除罪。旬月平。遷護為執金吾。賜黃金百斤。平阿侯譚薨。詔王商位特進。領

廣陵王獲

嗣封十五年薨。謚哀。無子。絕五歲。至帝元延二年。守再見。

陵石侯慶

膠東共王子。封二十六年。已。莽篡免。○共王授。景帝六世孫。

平阿侯王譚

封十一年。薨。謚安。子侯仁。嗣。至平帝元始三年。再見。

城門兵。○詔商置幕府。得舉吏如將軍。內黃杜鄴時為郎。素善音。說音宜承聖意。加異往時。凡議必與及之。音由是與商親密。二人皆重鄴。

釐鄉侯固

封二十二年。坐上書歸印。綬免。

乙巳 永始元年

春正月癸丑太官凌室火。戊午皇后園南闕火。夏四月封趙臨為成陽侯。下諫大夫劉輔獄論為鬼薪。○上欲立趙婕妤為皇后。皇太后嫌其所出微甚難之。太后姊子淳于長往來通語。歲餘乃許之。上先封趙婕妤父臨為侯。諫大夫劉輔上言。宜選有德之世。卜窈窕之女。以承宗廟。今乃觸情縱欲。傾於卑賤之女。欲以母天下。不畏於天。不媿於人。惑莫大焉。天人之道。皆共知之。朝廷莫肯一言。臣竊傷心。書奏。詔收縛繫掖庭。秘獄將軍辛慶忌。廉褒。光祿勳師丹。大中大夫谷永。俱

新都侯王莽

皇太后弟曼子少孤。恭儉下士。勤學孝謹。拜黃門郎。久之封遷騎都尉。光祿大夫侍中。愈謙恭。至巳巳。篡位。○新都今四川成都府。

成陽侯趙臨

以婕妤父。封。建。元。年。再。見。

上書言乃徙繫輔共工獄。減死罪一等。論為鬼薪。○取薪給宗廟曰鬼薪。三歲刑。

五月封太后弟子莽為新都侯。

○太后兄弟八人。獨弟曼早死不侯。子莽幼孤。羣兄弟皆侈靡。莽因折節為恭儉。勤身博學。被服如儒生。事母及寡嫂。養孤兄子。行甚敬備。外交英俊。內事諸父。曲有禮意。鳳病。莽親嘗藥。亂首垢面。不解衣帶。連月。鳳且死。以托太后。及帝。拜黃門郎。遷校尉。久之。商又請分戶邑封莽。當世名士戴崇。金涉。陳湯。亦咸為莽言。由是封為新都侯。遷騎都尉。光祿大夫。侍中。宿衛。謹。收。位益尊。節愈謙。振施賓客。收。贍名士。交結將相。虛譽隆洽。傾其諸父矣。敢為激發之行。

鄼侯蕭喜

紹封一年。自地節四年。安侯建世。以何玄。孫紹封。傳子思侯輔。孫侯獲。坐罪奪除。復以何六世。孫釐侯喜。紹封。傳侯。尊及侯章。及侯禹。更為蕭鄉侯。莽敗。絕。○自高帝六年。何始封。至禹凡六

漢成帝

處之不慚。嘗私買侍婢昆弟怪之。莽因曰。後將軍朱子元無子。聞此兒種宜。子即日以奉朱博。其匿情求名如此。○朱子元名博。

六月。立婕妤趙氏為皇后。大赦天下。○后既立。寵少衰。而其女弟絕幸。為昭儀。居昭陽宮。皆以金玉珠翠為飾。後宮未嘗有焉。后居別館。多通侍郎。宮奴多子者。昭儀嘗謂帝曰。妾姊性剛。如為人構陷。則趙氏無種矣。因涕下。悽惻。上信之。有白后姦狀者。輒殺之。由是后公為淫恣。然卒無子。光祿大夫劉向以為王教由內。及外。自近者始。於是採取詩書所載賢妃貞婦。與國顯家及孽嬖為亂亡者。序次為列女傳八篇。采傳記行事。著新

封五奪傳
九世十六
侯
書封蕭何
六世孫為
侯嘉念功
終綱目書
錄功臣後
者六

序說苑五十篇。奏之。數上疏言得失。陳法戒。上雖不能盡用。然內嘉其言。常嗟嘆之。

秋七月。詔罷昌陵。反故陵。勿徙吏民。○昌陵制度奢泰。久而不成。劉向上疏曰。昔孝文皇帝嘗美石槨。張釋之曰。使其中有可欲。雖錮南山。猶有隙。夫死者無終極。而國家有廢興。故釋之為無窮計也。上感其言。詔罷昌陵。反故陵。勿徙吏民。

封蕭何六世孫喜為鄼侯。○杜業勸絡封功臣。故封。

八月丁丑。太皇太后王氏崩。○宣帝王皇后也。

九月。黑龍見東萊。○丁巳。晦。日食。

以南陽太守陳咸為少府侍中。淳于長為水衡都尉。

丙午

永始二年

春正月大司馬車騎將軍音薨。○王氏惟音修整數諫正有忠直節。二月癸未夜星隕如雨。繹繹未至地滅。乙酉晦日食。三月以成都侯商為大司馬衛將軍。紅陽侯立位特進。領城門兵。以京兆尹翟方進為御史大夫。谷永為涼州刺史。奏事京師。訖當之部。上使尚書問所欲言。永對極言微行燕樂諸事。王者必先自絕。然後天絕之。無繼嗣之福。有危亡之憂。時皇太后與諸舅所常憂。至親難數言者。推永切諫。而勸上納用之。永知有內應。展意無所

膠東王授

嗣封十四年薨。謚恭。子王殷嗣。已巳莽篡。廢。○自景帝中二年。康王寄以皇子封。至殷凡六王。

祁鄉侯賢

梁夷王子。封是為節侯。傳侯富。免。○夷王遂。文帝七世孫。

高陵侯翟方

進。以丞相封千戶。是為共侯。九年薨。子宣嗣。哀帝即位。詔益宣五百戶。至孺子居攝元。年宜再見。

安陽侯王音

嗣封六年。以大司馬薨。謚敬子侯舜。嗣已。已莽篡。改安新公。傳子攝。更號和新公。莽敗俱死。

依違。上大怒。王商密撻永。令發去。○上嘗與放等宴。飲禁中。皆引滿舉白。談笑大噱。時乘輿幄坐。張畫屏。風畫紉。醉踞姐已。作長夜之樂。侍中光祿大夫班伯。久疾新起。上指畫問伯曰。紉為無道。至於是乎。對曰。書云。乃用婦人之言。何有踞肆於朝。所謂眾惡歸之。不如此。甚者也。上曰。苟不若此。此圖何戒。對曰。沈湎於酒。微子所以告去也。式號式呼。大雅所以流連也。詩書淫亂。

漢成帝

之戒皆在於酒。上嘆曰。吾久不見班生。今日復聞讜言。放等不憚。稍自引起更衣。罷出後。上朝東宮。太后泣曰。帝開顏色瘦黑。班侍中本大將軍所舉。宜寵異之。益求其比。以輔聖德。遣富平侯且就國。上曰。諾。上諸舅聞之。以風丞相御史奏放罪惡。上不得已。左遷放為北地都尉。後詔歸侍母敬武公主疾。復出為河東都尉。上雖愛放。然上追太后下用大臣嘗涕泣遣之。冬十一月。策免丞相宜。及御史大夫翟方進。復以方進為丞相。孔光為御史大夫。邛成太后之崩也。喪事倉卒。吏賦斂以趨辦。上以過丞相御史。太后父奉光封邛侯。策書邛成以別孝元。王皇后策免宜為庶人。左遷方進為執

高陽侯薛宣

封五年。坐西州盜賊羣輩。免。是年復封。至帝綏和二年再見。

金吾丞相官缺。羣臣多舉方進。上亦器其能。擢為丞相。封高陵侯。方進以經術進。用法刻深。任勢立威。峻文深詆。中傷甚多。○光孔子十三世孫。霸之少子。領尚書典樞機。十餘年。守法度。修故事。上有所問。據經法而對。不希旨。苟合。如或不從。亦不强爭。以是久而安。有所言。輒削草藁。以為章主之過。有所薦舉。惟恐其人聞知。沐日歸休。兄弟妻子燕語。不及朝政。或問溫室省中樹何木。光不應。答以他語。其不泄如是。免關內侯陳湯為庶人。徙燉煌。○衛將軍王商惡湯。奏湯妄言黑龍冬出。微行數出之。應廷尉奏。湯非所宜言。大不敬。詔以湯有功。免為庶人。徙邊

漢成帝

賜淳于長爵關內侯。○上以趙后之立。長有力焉。德之。詔以長嘗白罷昌陵。首建至策。下公卿議封之。光祿勳平當以爲長雖善言。不應封爵之科。當坐左遷鉅鹿太守。遂下詔賜長爵關內侯。食邑千戶。後竟封爲定陵侯。
朱博爲左馮翊。令屬縣各用其豪桀。以爲大吏。文武從宜。縣有劇賊。博輒移書責之。其盡力者厚賞。懷詐者誅罰。以是豪強懾服。事無不集。

永始三年

春正月。巳卯晦。日食。
冬十月。復泰時。汾陰五時。陳寶祠。○初帝用匡衡議。罷甘泉泰時。其日大風。壞甘泉竹宮。折拔時中樹木十圍以上百餘。上異之。以問劉向。向對曰。家人尚不欲絕種。況國之神寶舊時。且祖宗所立。神祇舊位。誠未易動。上意恨之。又復甘泉泰時。汾陰后土。及雍五時。陳寶祠。長安及郡國祠著明者。皆復之。時上頗好鬼神。方術之屬。上書言祭祀方術。待詔者甚衆。谷永上言。神仙不可信。姦人挾左道。懷詐僞。以欺罔世主者。宜絕之上。善其言。

曲鄉侯鳳

梁荒王子。始封。至平帝元始三年。再見。○荒王嘉文。帝八世孫。

漢成帝

十一月。尉氏男子樊並等十三人謀反。殺陳留太守。刳畧吏民。自稱將軍。徒李譚稱忠。鍾祖訾順。共殺並。以聞。皆封為侯。

十二月。山陽鐵官徒蘇令等二百二十八人。攻殺長吏。盜庫兵。自稱將軍。殺東郡太守。及汝南都尉。汝南太守嚴訢。捕斬令等。遷訢為大司農。賜黃金百斤。○訢與欣同。

故南昌尉梅福上書不報。○九江梅福。數因縣道上變事。輒罷報。復上書曰。昔高祖納善。如不及。從諫如轉圜。故天下之士雲合。歸漢。合天下之知。并天下之威。此高祖所以無敵於天下也。孝文皇帝。循高祖之法。加以恭儉。天下治平。孝武皇帝。好忠諫。說至言。出

富陽侯萌

東平思王子始封。至巴邑。莽篡免。

爵不待廉茂。慶賜不須顯功。

天下布衣。各勵志竭精。以赴闕庭。漢家得賢。於此為盛。士

者。國之重器。得士則重。失士

則輕。臣聞齊桓之世。有以九

九見者。桓公不逆。欲以致大

也。今臣所言。非特九九也。陛

下距臣者三矣。此天下士所

以不至也。今欲致天下之士。

有上書言可采取者。秩以升

斗之祿。賜以一束之帛。則忠

言嘉謀。日聞於上矣。夫以四

海之廣。能言之類甚眾。然其

僞桀。指世陳政。質之先王。而

不謬。施之當世。合時務者。亦

無幾人。故爵祿者。天下之砥

石。高祖所以厲世。摩鈍也。陛

下既不納其言。又加戮焉。夫

鳶鵠遭害。則仁鳥增逝。愚者

蒙戮。則智士深退。自陽朔以

漢成帝

來。天下皆以言為諱。朝廷尤甚。最國家之大患也。願陛下博覽兼聽。謀及疎賤。今君命犯而主威奪。外戚之權日隆。陛下不見其形。願察其景。漢興以來。社稷三危。呂霍上官。皆母后之家也。親親之道。全之為右。當與之賢師。傅教之。以忠孝。今乃尊寵其位。授以魁柄。使之驕逆。此失親親之大者也。自霍光之賢。不能為子孫慮。故權臣易世。則危勢陵於君。權隆於主。然後防之。亦無及矣。上不納。

尹起莘曰。一尉上書。亦出於憤懣憂國之故耳。特書不報。所以見棄言之實也。

申戊

永始四年

春正月。帝如甘泉郊泰畤。大赦天下。

三月。

如河東祠后土。

夏大旱。

四月癸未。長樂臨華殿未央宮東司馬門皆災。

六月甲午。霸陵園門闕災。

秋七月辛未晦。日食。

冬十一月。衛將軍商病免。

有司奏。梁王立罪。寢不治。梁王立驕恣犯法。相禹奏立怨望。有惡言。有司案驗。因發其與姑姦事。請誅。谷永上書曰。梁王年少。頗有狂病。始以惡言。按驗無實。而發閹門之私。非本章所指。王辭又不服。猥強劾。傳致難明之事。汗蠶宗室。布揚天下。非所以為公族。

桃山侯欽

城陽孝王子。始封至二十二年。

已巳。莽篡。

免。按城陽無孝玉。疑漢書誤。

延鄉侯李譚

以尉氏男。子捕得反者。樊並功。封是為節侯。傳侯成。至莽敗。絕。

爰戚侯趙牧

嗣封一年。至四十年。為世祖。建武四年。以先降梁。永免國除。自地節二年。封侯長。年傳侯訢。至牧。

昌陽侯霸

泗水戾王子。始封至二十二年。

已巳。莽篡。

免。戾王駿。文帝七世孫。

新山侯稱忠

以捕得反者。樊並功。封。

漢成帝

隱諱增榮華。昭風化也。臣以爲王年少而父同產長年齒不倫。梁國之富足以招致妖麗。父同產亦有恥辱之心。案驗惡言。何故猥自發舒。以三者揆之。殆非人情。疑有所迫。切過誤失言。加恩勿治。上也。既已案驗。宜及王辭不服。詔廷尉更審考清問。著不然之效。爲宗室刷汙亂之恥。甚得親親之誼。上由是寢而不治。以何武爲京兆尹。武爲吏守法盡公。進善退惡。其所居無赫赫名。去後常見思。武爲刺史二千石有罪。應時輒奏。其餘賢不肖。敬之如一。是以郡國各重其守。相行部必先即學宮。見諸生問以得失。然後入傳舍。問壘田。美惡已見二千石。武成都郫縣人。

附

臨安侯閔

膠東共王子。始封至二十二年。已巳莽篡。免。共王授景帝六世孫。

樓虛侯等順

以捕得反者樊並功封。

童鄉侯鍾祖

以捕得反者樊並功封。是爲釐侯。至平帝元始四年。匡再見。

酉

元延元年

春正月己亥朔日食。

壬戌王商復爲大司馬衛將軍。

三月帝如雍祠五畤。

夏四月丁酉無雲而雷有流星。

東南行四面如雨。自晡及昏而止。赦天下。

秋七月有星孛於東井。上以災變博謀羣臣。谷永對曰。王者躬行道德。承順天地。則符瑞並降。失道妄行。逆天暴物。則妖孽並見。終不改寤。惡洽變備。不復譴告。更命有德。此天地之常經。百王之所同也。

陛下承八世之功業。當陽數之標季。陽紀之涉三七之節。紀自高祖已亥即位至此已百一十歲。漢乃三厄。遭無妄之卦。運值百六之災。厄所謂陽

徐鄉侯炁

膠東共王子。始封至二十一年。已巳莽篡。舉兵欲誅莽。死。炁音桂一作快。

成都侯王商

封十六年。薨。謚景成侯。況嗣。至帝綏和二。年再見。

匈奴

冬搜諸單于入朝於漠水入塞。病卒。弟且莫車立。爲車牙若鞮。單于。且子余反。

漢成帝

百六之會也。初入元。百六歲有見者。則前元之餘氣也。建始以來。羣災大異。多於春秋。所書下有其萌。然後變見於上。禍起細微。姦生所易。願陛下正君臣之義。無復與羣小媿。驕如之寵。崇近。婉順之行。朝覲法駕。而後出。陳兵清道。而後行。無復輕身。獨出。飲食臣妾之家。三者既除。內亂之路塞矣。比年郡國水旱。而有司請加賦。市怨趨禍之道也。願陛下勿許其奏。減奢泰之費。以贍困乏。諸夏之亂。庶幾可息。劉向上書曰。春秋二百四十二年。日食三十六。今建始以來。二十歲間。而八食。率二歲六月而一發。古今罕有。異有希。彌占有舒疾。觀秦漢之易世。覽惠昭之無後。察昌

式侯萌

紹封一年。初元元年。封侯憲少子。見鴻嘉元年。哀侯霸薨。無子。萌以弟紹封。莽篡。免至更始二年。盆子再見。

開陵侯成級

紹封一年。自征和三年。侯成。姦孫。哀絕。七十八年。至是。級以哀弟紹封。傳侯參。至莽敗。絕。

烏壘戎

漢都護治四十八年。烏孫亂。兩昆彌皆使人告難於都護。

附

邑之不終。視孝宣之紹起。皆有變異。著於漢紀。天之去就。豈不昭昭然哉。天文難以相曉。臣雖圖上。猶須口說。願賜燕閒。指圖陳狀。上輒入之。然終不能用也。

冬十二月。大司馬衛將軍商薨。以王根為大司馬。驃騎將軍。

○商薨。紅陽侯立。次當輔政。先是。立使客於南郡。占墾草田數百頃。以入縣官。而貴取其直一億萬以上。為史所發。由是廢立。而用其弟根。

故槐里令朱雲。言事得罪。既而釋之。○安昌侯張禹。請平陵肥牛亭地。曲陽侯根。以平陵寢廟衣冠所出遊道。宜更賜它地。上不從。根由是數毀之。上益厚禹。禹病。上臨問。拜牀下。禹頓首謝。小子未有官。禹

新昌侯嫻

紹封一年。本始四年。封侯慶孫。未央薨。諡哀。無子。嫻以弟紹封。是為釐侯。傳侯普。免○武帝六世孫。

扶陽侯韋育

嗣封一年。是為釐侯。傳侯堪。嗣至平帝元始中。戶一千四百二十。莽敗。絕○自本始三年。節侯賢封。至堪五世。

漢成帝

數視之上即牀下拜為黃門郎給事中禹以天子師有大政必與定議時吏民多上言災異王氏專政所致上密以吏民言示禹禹以年老子孫弱恐王氏怨乃曰新學小生亂道誤人宜無信用上不疑王氏故槐里令朱雲上書求見公卿在前雲曰今大臣不能匡主皆尸位素餐臣願賜上方斬馬劍斬佞臣一人頭以厲其餘上問誰也對曰安昌侯張禹上大怒曰小臣居下訕上廷辱師傅罪死不赦御史將雲下雲攀殿檻檻折呼曰臣得從龍逢比干遊地下足矣未知聖朝何如耳御史遂將雲去左將軍辛慶忌免冠解印綬叩頭殿下曰此臣素狂直使其言是不可誅

其言非固當容之臣敢以死爭遂叩頭流血上意解得已後當治檻上曰勿易因而鞫之以旌直臣

尹起莘曰梅福以一尉而上書朱雲以一令而言事在位無非王黨忠直之氣鬱伊於下故小臣憤懣出位而言耳自後無復有言者矣

匈奴搜諧若鞮單于死弟車牙若鞮單于立

徵張放入侍中尋復出之○出放為天水屬國都尉奉太后言也引少府許商光祿勳師丹為光祿大夫班伯為水衡都尉並侍中秩中二千石每朝東宮常從及有大政俱使諭指於公卿上亦稍厭遊宴復修經書之業太后甚悅

漢成帝

左將軍辛慶忌卒。慶忌為國虎臣。匈奴西域敬其威信。是歲昭儀趙氏害後宮皇太子。

附

戊庚

元延二年

春正月。上幸甘泉。郊泰畤。三月。幸河東。祠后土。既祭。行遊龍門。登歷觀。陟西嶽而歸。夏。遣中郎將段會宗。誅烏孫太子番丘。康居遣子貢獻。烏孫小昆彌末振將。漢所立也。使貴人烏日領。詐降大昆彌。雌栗靡。因刺殺之。漢欲以兵討之。而未能。遣中郎將段會宗。立公主孫伊秩靡為大昆彌。久之。大昆彌翎侯難棲殺末振將。安犁靡代為小昆彌。漢恨不自誅末振將。復遣段會宗。發戍已校尉諸國兵。即誅末振將太子番丘。會宗恐兵入。烏孫驚。番丘逃亡。即雷兵墊婁地。選精兵三十弩至昆彌。召番丘。責以末振將之

泗水王駿

嗣封三十一年。薨。益戾子靖嗣。二十一年。莽篡。貶公一年。廢。靖景帝七世孫。自元鼎三年。思王商以常山憲王少子。封傳至靖。凡六王。

桑中侯舜

紹封一年。地節三年。封侯廣漢。二傳至孫頃侯敬。無子。舜以敬弟。紹封二年。莽篡。免。景帝七世孫。

鍾武侯則

紹封一年。子元康元年。封侯度。傳至孫哀侯。霸無子。以叔父則。紹封。是為節侯。景帝六世孫。

博望侯許報

紹封一年。以釐侯竝弟。紹封至莽敗。絕。

烏壘城

漢都護治四十九年。中郎將段會宗與都護孫建并力。備康居。於是康居內附。烏孫以安。

烏孫

漢遣段會宗誅太子番丘。

漢成帝

罪即手劍擊殺番丘安犁靡
勒兵數千騎圍會宗。會宗為
言來誅之意。今殺我。如取漢
牛一毛耳。宛王郵支頭。縣棠
街。烏孫所知也。昆彌以下服
曰。獨不可告我。飲食之邪。會
宗曰。豫告逃匿。為大罪。即飲
食。以付我。傷骨肉。恩故不先
告。皆號泣罷去。會宗還奏。賜
爵關內侯。黃金百斤。○末振
將弟卑。爰壹。附康居。欲兼并
兩昆彌。復遣段會宗與都護
孫建備之。○自烏孫分立兩
昆彌。漢用憂勞。且無寧歲。時
康居復遣子入侍。貢獻。都護
郭舜請絕康居。上言曰。匈奴
烏孫康居。三國漢皆受其質。
子然康居驕黠。不肯拜使。
者都護更至其國。故為無所
省。以夸旁國。其遣子人侍。欲

附

康居

遣子入侍
貢獻

樂成侯許恭

紹封一年
以哀侯常
弟封是為
節侯

成鄉侯果

紹封一年
神爵三年
封侯慶子
霸自鴻嘉
三年絕至
是霸弟果
紹封莽篡
免○景帝
五世孫

鄭侯異眾

紹封一年
地節三年
封高郭侯
曠傳至玄
孫哀侯霸
無子弟異
眾更封傳
侯發免○
景帝八世
孫

廣陵王守

紹封一年
以孝王子
封自鴻嘉
四年哀王
獲絕至是
紹封至孺
子居攝二
年宏再見

賈市也。匈奴百蠻大國。事漢
甚備。聞康居不拜。且使匈奴
有悔自卑之意。宜歸其侍子。
絕弗復使。以彰漢家不通無
禮之國。漢為新通。重致遠人。
終羈縻不絕。

趙王充

嗣封五十
五年薨。謚
共子隱。嗣
二十年已
已莽篡。貶
公一年廢
○景帝六
世孫。○自
景帝二年
敬肅王彭
祖以皇子
封廣川。徙
趙傳五世
六王。

臺鄉侯眈

苗川孝王
子始封。至
十八年莽
篡免。○孝
王璜高帝
八世孫

西陽侯竝

東平思王
子始封。是
為頃侯。傳
侯偃免。

樂陵侯史淑

紹封一年
以康侯弟
紹封亡後
至平帝元
始四年卒
再見

漢成帝

辛亥 元延三年

春正月丙寅。岷山崩。壅江三日。江水竭。○劉向大惡之。曰。昔周岐山崩。三川竭。而幽王亡。岐山者。周所興也。漢起於蜀。今所起之地。山崩川竭。星孛。又及攝提大角。從參至辰。殆必亡矣。○三川在平涼府鎮原縣。源一而流為三。入於高平川。大角一星。在兩攝提間。君象參益州分。三月幸雍祠五時。秋帝校獵長楊射熊館。○上將大誇胡人以多禽獸。秋命右扶風發民入南山。西自褒斜。東至弘農。南馭漢中。張羅網。置罟。捕禽獸。載以檻車。輸長楊射熊館。令胡人搏之。自取其獲。上親臨觀焉。楊雄作

菑川王橫

嗣封三十一年。薨。謚孝子。懷王友。立。至哀。帝建平三年再見。

蒲領侯不識

始元六年。封清河剛。王子祿。傳哀侯推絕。至是推弟不識。紹封。侯。是為節侯。傳侯京免。文帝六世孫。

定陵侯淳于

長。皇太后姊。子。以待中。衛尉言昌。陵不可成。封。至帝綏和元年再見。

長楊賦以獻

營平侯趙卒

嗣封十三年。坐父欽。詐以長安女。子王君俠。子為嗣。免。自宣帝本始元年。封壯侯。充國。至卒四世。凡六十四年。

壬子
元延四年

春正月。上幸甘泉。郊泰畤。
二月。罷司隸校尉官。
中山王興定陶王欣來朝。○中
山王獨從。傳定陶王盡從。傅
相中尉上怪之。以問定陶王。
對曰。令諸侯王朝。得從其國
二千石。故盡從。令誦詩。通習
能說他日。問中山王獨從。傅
在何法。令不能對。令誦尚書。
又廢及賜食於前後。飽起下
韉。係解上。以為不能。而賢定
陶王。數稱其材。是時諸侯王。
惟二人於帝為至親。定陶王
祖母傅太后。隨王來朝。私賂
遺趙皇后。昭儀及將軍根。三
人見上無子。亦欲豫自結為
長久計。皆勸帝以為嗣。帝為
加元服。而遣之。時年十七矣。

定陶王欣

嗣封十四
年。
春王及傅
太后同入
朝。私贈趙
皇后及昭
儀與王根
求為皇嗣。
○欣元帝
孫。帝姪也。

高平侯王置

嗣封一年。
河平二年。
封侯。逢時
子。至莽敗
絕。

三月。幸河東。祠后土。
甘露降京師。賜長安民牛酒。
隕石於關東。

中山王興

大司農谷永免。○王根薦谷永。
徵為大司農。永前後所上四
十餘事。專攻上身。與後宮而
已。黨於王氏。上亦知之。不甚
親信。歲餘病。滿三月。上不賜
告。即時免。數月卒。

徙封十六
年。
春王入朝。
帝有問。不
能對。帝由
是不悅。○
興帝弟。

丑癸 綏和元年

春正月大赦天下。二月立定陶王欣為皇太子。上召丞相翟方進御史大夫孔光右將軍廉褒後將軍朱博入禁中議中山定陶王誰宜為嗣皆以為禮曰昆弟之子猶子也為其後者為之子也定陶王宜為嗣孔光獨以為禮立嗣以親兄終弟及中山王宜為嗣上以中山王不材又禮兄弟不得相入廟遂立定陶王欣為皇太子封中山王舅諫大夫馮參為宜鄉侯益中山國三萬戶以慰其意賜諸侯王列侯金使執金吾任宏守大鴻臚持節徵定陶王王謝曰臣材實不足以假充太子之宮願且得留國

定陶王欣

嗣封十五年二月欣被召正位東宮冬立楚孝王孫景為定陶王奉共王後至哀帝建平二年徙○景宣帝會孫

堂鄉侯恢

膠東共王子始封是為哀侯至哀帝建平元年再見○共王授景帝六世孫

廣昌侯賀

河間孝王子始封至莽篡免

匈奴

是年車牙若鞮單于卒單于弟囊智牙斯立為烏珠留若鞮單于以弟樂為左賢王興為右賢王遣子右股奴王烏鞮牙斯入侍

附

中山王興

建昭二年立為信都王陽朔二年徙中山凡三十年春孔光請立興為嗣帝不許益中山國二萬戶冬薨謚孝子箕子嗣

梁鄉侯交

趙共王子始封至莽篡免

樂平侯永

河間孝王子始封至莽篡免

襄鄉侯福

趙共王子始封是為頃侯傳侯章至莽篡免

方鄉侯常得

廣陽惠王子始封至莽篡免○按廣陽無惠王或思王瓚武帝五世孫

邸旦父奉問起居侯有聖嗣歸國守藩書奏天子報聞○報聞報已覽其書而不從其請也

左遷孔光為廷尉何武自廷尉為御史大夫

封孔吉為殷紹嘉侯三月與周承休侯皆進爵為公○初詔求殷後分散為十餘姓求其嫡不得匡衡梅福皆以為宜封孔子世為湯後從之封孔吉為殷紹嘉侯三月與周承休侯皆進爵為公地各百里○殷子姓其後為宋孔華戴桓向樂等姓吉孔子十三世孫

上行幸雍祠五時

夏建三公官大司馬根去將軍號改御史大夫何武為大司空○初何武建言末俗事煩

漢成帝

宰相材不及古。而獨兼三公事。所以不治。宜建三公官。上從之。以曲陽侯王根為大司馬。置官屬。罷驃騎將軍官。以御史大夫何武為大司空。封汜鄉侯。皆增奉如丞相。以備三公焉。
匈奴車牙若鞮單于死。弟烏珠留若鞮單于立。遣中郎將夏侯藩副校尉韓容使匈奴。或說王根曰。匈奴有斗入漢地。有地斗曲。直張掖郡。生奇材。木箭竿。驚羽如得之。邊饒地廣。將軍功垂無窮。根為上言。上欲求之。為有不得。傷命損威。根即但以上指曉。藩令藩求之。藩至。語次說單于宜上書獻此地。直斷割之。省兩都尉士卒數百人。其報必大。單于曰。此天子詔語。邪將從。

真定王普

嗣封十五年薨。謚共子楊嗣。至已巳葬。篡。貶公一年。廢。○景帝八世孫。○自元鼎三年頃王平。以常山憲王子立。至楊凡六世。

容鄉侯強

趙共王子。始封。是為釐侯。傳侯弘莽篡。免。

定陵侯淳子

封三年。坐大逆下獄死。

緡鄉侯固

趙共王子。始封。至莽篡。免。

紅陽侯王立

封二十年。為淳子長。求爵丞相。劫立狡獪。遣就國。

周承休公姬

進封一年。自元帝初元五年。延年進爵為侯。四傳至黨。更進爵為公。地滿百里。至平帝元始四年再見。

使者所求也。藩曰。詔指也。然藩亦為單于畫善計耳。單于曰。此溫偶駱王所居地。未曉其形狀。所生請遣問之。藩容歸。漢後復至求地。單于曰。父兄傳五世。漢不求。至知獨求何也。知單于名已問溫偶駱王。匈奴西邊諸侯。作穹廬及車。皆仰此山材。木且先。父地不敢失也。藩還。遷太原太守。單于以求地狀聞。詔報曰。藩擅稱詔。法當死。更大赦。徙為濟南太守。不令當匈奴。
冬十月。大司馬根病免。
十一月。立楚王孫景為定陶王。
○上以太子既奉大宗後。不得顧私親。立景為定陶王。以奉共王後。太子欲謝。少傅閻崇以為不當謝。太傅趙元以為當謝。從之。詔問所以謝狀。

漢成帝

尚書劾元左遷少府以光祿
勳師丹為太傅初太子幼祖
母傳太后躬自養視及為太
子詔傳太后丁姬自居定陶
國邸不得相見頃之帝承王
太后命以傳太后乳母慤令
得至太子家

衛尉淳于長有罪下獄死廢后
許氏自殺以王莽為大司馬
○長有寵貴傾公卿賂遺賞
賜常累鉅萬許后姊嬖寡居
長與私通取為小妻許后因
嬖以金錢服御物千餘萬賂
遺長欲求復為婕妤長詐為
白上立以為左皇后王莽心
害長寵白之上以太后故勿
治罪遣就國紅陽侯立故與
長有怨至是使副子融從長
請車騎長以珍寶重遺立立
為長求甞上疑之下吏按驗

殷紹嘉侯孔

吉

以殷後孔
子十三世
孫封又進
爵為公地
方百里至
平帝元始
四年再見

宜鄉侯馮參

以中山王
舅諫大夫
封至哀帝
建平元年
再見

汜鄉侯何武

以大司空
封至明年
再見

立令融自殺上愈疑逮長繫
詔獄窮治長具服罪至大逆
死於獄中使孔光持節賜廢
后藥后遂自殺丞相方進劾
奏立狡猾不道遣就國方進
復奏立黨友後將軍朱博鉅
鹿太守孫闓皆免官與故光
祿大夫陳咸皆歸故郡○方
進智能有餘兼通文法吏事
以儒雅緣飾號為通明相奏
事無不當意○上以莽首發
大奸稱其忠直王根因薦莽
自代遂以莽為大司馬時年
二十八莽既拔出同列繼四
父而輔政欲令名譽過前人
遂克己不倦聘諸賢良為掾
史賞賜邑錢悉以饗士愈為
儉約母病諸夫人問疾莽妻
迎之衣不曳地布蔽膝見者
以為僮使問知皆驚其節名

漢成帝

如此

罷刺史置州牧。丞相方進大司空武奏言春秋之義用貴治賤不以卑臨尊。刺史位下大夫而臨二千石。不相準上罷之。置州牧秩二千石。詔立辟雍未作而罷。○隗為郡於水濱得古磬十六枚。議者以為善祥。劉向因說上宜興辟雍。設庠序陳禮樂。隆雅頌之聲。盛揖讓之容。以風化天下。帝下公卿議。丞相大司空奏請立辟雍未作而罷。○時又有言孔子布衣養徒三千人。今天子太學弟子少。於是增弟子員三千人。歲餘復如故。○向常顯訟宗室。譏刺王氏其言痛切。發於至誠。上數欲用向為九卿。輒為王氏所持。故終不遷。居列大夫。前後

三十餘年而卒。後十三歲而王氏代漢。

漢成帝

甲寅 綏和二年

春正月上幸甘泉。郊泰畤。二月丞相方進薨。時熒惑守心。郎貴麗言大臣宜當之上。召方進。賜冊責讓。賜上尊酒。十石養牛一方。進即日自殺。上秘之。遣九卿策贈印綬。賜乘輿秘器。親臨弔者數至。禮賜異於他相故事。司馬光曰。禍福之至。安可移乎。藉其可移。楚昭宋景。猶不忍為。況不可乎。使方進罪不至死。而誅之以當天變。是誣天也。隱其誅而厚其葬。是誣人也。欲誣天人。而卒無益。可謂不知命矣。二月幸河東祠后上。丙戌帝崩於未央宮。帝素強。

楚王衍

紹封十七年入朝

庸鄉侯幸

六安頃王子始封。十六年莽篡。免頃王世孫。

博山侯孔光

以丞相封。至哀帝建平二年再見。

梁王立

嗣封十八年入朝

陽安侯丁明

以帝舅封五千戶。至平帝元始元年為莽所殺。

中山王箕子

嗣封一年

平周侯丁滿

以帝舅子封。至平帝元始二年再見。

河間王良

紹封三十年

孔鄉侯傅晏

以皇后父封三千戶。又益二千戶。至哀帝元壽二年再見。

無疾病。時楚王梁王來朝。明且當辭去。上宿供帳白虎殿。在未央宮中。又欲拜左將軍孔光為丞相。已刻侯印書贊。昏夜平善。鄉晨傳綉鞮欲起。因失衣。攬衣而不能言。晝漏上十刻而崩。民間譖譁。咸歸罪趙昭儀。皇太后詔大司馬莽。雜與御史丞相廷尉治問皇帝起居發病狀。趙昭儀自殺。班彪贊曰。帝善修容儀。臨朝淵默。尊嚴若神。有穆穆天子之容。博覽古今。容受直辭。然湛於酒色。趙氏內亂。外家擅朝。言之可為於邑。哀平短祚。莽遂篡位。威福所由來者漸矣。是日以孔光為丞相。光於大行之前。拜受丞相博山侯印綬。

漢成帝

富平侯張放聞帝崩思慕哭泣而死。

荀悅曰。放非不愛上。忠不存焉。故愛而不忠。仁之賊也。

太后詔罷泰畤。汾陰祠。復南北郊。

尹起莘曰。是時曠月無君。綱目特揭太后書之於中。

以見權之所在。爾夫禮莫重於祭。祭莫重於郊。國嗣未立。太后以一婦人舉行其典。不急於置君而急於祠祀。尚得為知本乎。

夏四月丙午。太子欣即皇帝位。

謁高廟。尊皇太后曰太皇太后。皇后曰皇太后。大赦天下。

○時帝初立。躬行儉約。省減諸用。政由已出。朝廷翕然望至治焉。

新城侯趙欽

以皇太后弟侍中光祿大夫封

至明年再

封

封十年

辟傅太后

就築蓋封

三百五十

戶置中黃

門為莽家

給使以為

特進給事

新都侯王

封十年

辟傅太后

就築蓋封

三百五十

戶置中黃

門為莽家

給使以為

特進給事

已卯葬延陵

追尊定陶恭王為定陶恭皇。○

太皇太后令傅太后丁姬十

日一至未央宮。詔問丞相大

司空。定陶太后宜何居。孔光

素聞傅太后剛暴。長於權謀。

恐與政事。不欲與帝近。即議

以為宜改築宮。何武曰。可居

北宮。上從武言。北宮有紫房

複道。通未央宮。傅太后果從

複道朝。夕至帝所。欲稱尊號。

貴寵其親屬。高昌侯董宏希

旨。上書言。秦莊襄王母本夏

氏。而為華陽夫人所子。及即

位。俱稱太后。宜立定陶太后

為帝太后。王莽師丹劾奏宏

稱引亡秦。誣誤聖朝。大不道。

上免宏為庶人。傅太后大怒。

要上必欲稱尊號。上乃詔尊

定陶恭王為定陶恭皇。

中朝朔望

紅陽侯王立

封二十一年

還於京師

還於京師

漢成帝

五月丙戌立皇后傅氏。傅太后從弟晏之子也。

尊定陶太后傅氏曰定陶恭皇太后。丁姬曰定陶恭皇后。各

置左右詹事。食邑如長信宮。中宮追尊傅父為崇祖侯。丁

父為褒德侯。封舅丁明。舅子滿。皇后父晏皆為列侯。封皇

太后弟趙欽為新城侯。太皇太后詔大司馬莽就第。避帝

外家。莽上疏乞骸骨。帝詔起莽。又遣光武等白太皇太后

乃復令莽視事。

六月罷樂府官。成帝時鄭聲尤甚。黃門名倡富顯於世。貴戚至與人主爭女。樂上自為

王時疾之。又性不好音。至是詔罷樂府官。郊祭樂及古兵法武樂在。經非鄭衛之樂者

別屬他官。凡所罷省過半。然

曲陽侯王根

封二十一年。七月益封

二千戶。坐山陵未成

聘取女樂。置酒歌舞

遣就國。

成都侯王況

嗣封五年。坐山陵未

成。聘取故掖庭貴人

為妻。大不敬。免為庶

人。弟邑紹封。莽篡進

隆信公莽敗俱死

高樂侯師丹

以左將軍大司馬封

復以丹為大司空。是

為節侯。至哀帝建平

元年再見

百姓漸漬日久。又不制雅樂。相變。豪富吏民。湛沔如故。

詔劉秀典領五經。初莽薦歆為侍中。更名秀。上復令典領

五經。卒父前業。秀於是總羣書而奏七畧。有輯畧。六藝畧

諸子畧。詩賦畧。兵書畧。術數畧。方技畧。其敘諸子分為九

流。曰儒。曰道。曰陰陽。曰法。曰名。曰墨。曰縱橫。曰雜。曰農。以

為九家。皆起於王道。既微。世主好惡殊方。是以各引一端

合其要歸。亦六經之支流。餘裔使遭聖主。得所折衷。皆股

肱之材。已若能修六藝之術。而觀此九家之言。舍短取長

可通萬方之畧矣。益封河間王良萬戶。詔限民名田。不果行。初董仲舒說武帝。以井田雖難卒行

宜少近古。限民名田也。田以贍不足。塞兼并之路。去奴婢。除專殺之威。至是。師丹復建言。今累世承平。豪富貲數鉅萬。而貧弱愈困。宜畧為限。丞相光。大司空武。議請自王侯以下。各有限。貴戚皆不便。遂不行。

罷官織綺繡。除任子令。誹謗。詆欺法。出宮人。免官奴婢。益小吏俸。

秋七月。罷大司馬。莽就第。以師丹為大司馬。○上置酒未央宮內。者令為傅太后張幄。坐於太皇太后坐旁。莽按行。責內者。令曰。定陶太后藩妾。何得與至尊並。徹去。更設坐。傅太后大怒。不肯會。莽復乞骸骨。上賜金五百斤。安車駟馬。罷就第。公卿大夫多稱之者。

汜鄉侯何武

封二年。秋更以南陽。望鄉侯。為汜鄉侯。國益封千戶。冬。策免。以列侯歸國。至平帝元始三年。再見。

高陽侯薛宣

封十年。坐不忠。孝。父子賊傷。近臣免。

上乃加恩。罷置中黃門。為莽家給使。以為特進。給事中。朝朔望。○傅太后從弟右將軍。喜好學問。有志行。王莽既罷。眾庶歸望於喜。初。上之官爵。外戚也。喜獨執謙。稱疾。傅太后始與政事。數諫之。由是傅太后不欲令喜輔政。乃以師丹為大司馬。而賜喜黃金百斤。以光祿大夫養病。何武。唐林。皆上書言喜行義修潔。忠誠憂國。今以病歸。眾庶失望。喜立於朝。陛下之光輝。傅氏之廢興也。上亦自重之。尋復進用。

遣曲陽侯根就國。免成都侯王況為庶人。○帝少而聞知。王氏驕盛。心不能善。以初立。故且優之。後月餘。司隸校尉解光奏先帝山陵未成。而侯根

漢成帝

侯況公聘取掖庭女樂置酒歌舞無人臣禮大不敬不道上以根嘗建社稷之策遣就國而免況為庶人

九月庚申地震。自京師至北邊郡國三十餘處地震。壞城郭。壓殺四百餘人。上以災異問待詔李尋。對曰。日者人君之表也。間者日尤不精。光明侵奪失色。邪氣珥蜺。數作竊以日視陛下。志操衰於始初多矣。惟陛下強志守度。毋聽女謁。阿保乳母。甘言卑辭。斷而勿聽。勉強大義。絕小不忍。誠皇天之禁也。月者妃后大臣諸侯之象也。間者月數為變。此為母后與政亂朝。惟陛下親求賢士。無彊所惡。以崇社稷。五行以水為本。今汝潁漂涌。害民百川。沸騰谷在。皇

甫卿士之屬。惟陛下少抑外親大臣。地道柔靜。今地震宜務崇陽抑陰。以救其咎。固志建威。閉絕私路。拔進英雋。以強本朝。夫本強則精神折衝。本弱則招殃致凶。朝廷亡人。則為賊亂所輕。其道自然也。

求能浚川疏河者。賈讓奏治河

三策。○騎都尉平當使領河隄。奏請博求能浚川疏河者。待詔賈讓奏言。治河有上中下三策。夫土之有川。猶人之有口。治土而防其川。猶止兒啼而塞其口。豈不遽止。然其死可立而待也。故曰善為川者。決之使道。善為民者。宜之使言。今徙冀州民當水衝者。決黎陽遮害亭。放河使北入海。出數年治河之費。以業所

漢成帝

徙之民此功一立河定民安
千載無患此上策也多穿漕
渠於冀州地使得溉田分殺
水怒從淇口以東為石隄多
張水門早則開東方下水門
溉冀州水則開西方高門分
河流通渠則填淤加肥民田
適治河隄亦成故曰中策若
乃繕完故隄增卑倍薄勞費
無已數逢其害此最下策也
詔定世宗為不毀之廟○孔光
何武奏迭毀之次當以時定
羣議以武帝親盡宜毀王舜
劉歆曰禮天子七廟宗不在
此數中宗變也苟有功德則
宗之孝武皇帝功烈如彼孝
宜皇帝崇立之如此不宜毀
制曰可
冬十月策免大司空武遣就國
以師丹為大司空○左右或

議武事親不篤上亦欲易大
臣乃策免武歸汜鄉侯國以
師丹為大司空丹見帝多改
成帝政乃上書諫書數十上
多切直之言○傅太后從弟
子遷在左右尤傾邪上惡之
免歸故郡傅太后怒上不得
已復留遷光丹奏言詔書前
後相反請歸遷以銷姦黨卒
不得遣復為侍中其逼於傅
太后類如此

詔還陳湯長安○議郎耿育上
書寬訟陳湯曰甘延壽陳湯
為聖漢揚鉤深致遠之威雪
國家累年之恥討絕域不羈
之君係萬里難制之虜豈有
比哉先帝嘉之仍下明詔宜
著其功改年垂歷傳之無窮
應是南郡獻白虎邊垂無警
備會先帝寢疾然猶垂意不

漢成帝

忘數使尚書責問丞相趣立其功獨丞相匡衡排而不予封延壽湯數百戶此功臣戰士所以失望也孝成皇帝承建業之基乘征伐之威兵革不動國家無事而大臣傾邪欲專主威排如有功使湯塊然被見拘囚不能自明卒以無罪老棄燉煌正當西域通道令威名折衝之臣旋踵及身復為郅支遺虜所笑誠可悲也至今奉使外蠻者未嘗不陳郅支之誅以揚漢國之盛大援人之功以懼敵棄人之身以快讒豈不痛哉且安不忘危盛必慮衰今國家素無文帝累年節儉富饒之畜又無武帝薦延梟俊禽敵之臣獨有一陳湯耳假使異世不及陛下尚望國家追錄其

功封表其墓以勸後進也湯幸得身當聖世功曾未久反聽邪臣鞭逐斥遠使亡逃分竄死無處所遠覽之士莫不計度以為湯功累世不可及而湯過人情所有湯尚如此雖復破絕筋骨暴露形骸猶復制於唇舌為嫉妬之臣所係虜耳此臣所以為國家尤戚戚也書奏天子還湯卒於長安

漢哀帝

卯乙

孝哀皇帝建平元年

諱欣定陶共王康子成帝立以為嗣在位六年壽二十六
春正月隕石於北地十六
赦天下
新成侯趙欽以罪免徙遼西○
司隸解光奏言臣聞許美人及故中宮史曹宮皆御幸孝成皇帝產子子隱不見遣吏驗問皆得其狀其他飲藥傷墮者無數事在赦令前按承光三年男子忠等發長陵傳夫人冢事更大赦元帝窮治盡伏辜趙昭儀親滅繼嗣請正法於是免侯欽侯訴皆為庶人將家屬徙遼西議郎耿育疏曰成帝知陛下有賢聖仁孝之德故廢後宮就館之

中山王箕子成侯貴

嗣封二年箕子幼有背病祖母馮太后自養視數禱祠解上遣中郎謁者張由將醫治之誣馮太后祝詛上及傅太后遣御史丁元案驗無所得更使中謁者令史立治之立受傅太后指治

嗣封一年元鳳五年封侯喜曾孫是年薨無子國除凡四世

高武侯傅喜曲陽侯王涉

以帝祖母太皇太后從父弟大司馬封

嗣封一年河平二年封侯根子至莽篡更為直道公為莽所殺

堂鄉侯恢

封三年薨諡哀無子國除○景帝七世孫

新成侯趙欽富平侯張純

封二年坐弟昭儀絕繼嗣免徙遼西國除

嗣封一年元鳳六年封侯安世六世孫至莽篡更為張鄉侯世祖建武中為武始侯

漸致位陛下豈庸臣所能及哉乃許揚幽昧之過空使謗議上及山陵下流後世甚非先帝託後之意帝亦以為太子得趙太后力遂不竟其事以傅太后從弟光祿大夫喜為大司馬
秋九月隕石於虞二
策免大司空高樂侯丹為庶人復賜爵關內侯○冷褒段熲等奏言定陶共皇太后共皇后皆不宜復引定陶藩國之名以冠大號宜為共皇立廟京師羣議多順指惟丞相光大司馬喜大司空丹以為不可丹曰禮為人後者為之子故為所後服斬衰三年而降其父母其孝成皇帝為共王立後長為一國太祖萬世不毀恩義已備陛下繼體先帝

馮太后女弟弟婦死者數十人誣奏祝詛謀弒上立中山王馮太后飲藥自殺相坐死者十七人眾莫不憐之

成陽侯趙訴高昌侯董宏

嗣封六年坐弟昭儀絕繼嗣免徙遼西國除

嗣封四十年一年坐邪佞免二年復封故國

高樂侯師丹

封二年坐漏洩免至平帝元始三年再見

持重大宗。承宗廟天地社稷之祀。義不可復。奉定陶共皇祭入其廟。今欲立廟京師。而使臣下祭之。是無主也。又親盡當毀。空去一國。太祖不墮之祀。而就無主。當毀不正之禮。非所以尊厚共皇也。丹由是浸不合上意。○會有上書言古者龜貝為貨。今以錢易之。民故貧。宜改幣。上問丹。丹言可改。有司以行錢久難卒變。丹老总前語。復從公卿議。又丹使吏書奏。吏私寫其草。丁傅子弟使人告丹。上封事。行道入徧持其書。事下廷尉。劾丹大不敬。○博士申咸。煇欽。上書言丹經行無比。漏泄不在丹。上貶咸。欽秩各二等。策免丹。上印綬。復從尚書令唐林言。賜爵關內侯。○煇音

河間王良

紹封三十一年。薨。諡惠子尚立。莽篡。貶公。一年廢。○景帝八世孫。自獻王德。至尚。凡七世。八王。

宜鄉侯馮參

封三年。坐妙中山。太后祝詛。召詣廷尉。自殺。國除。參為人謹嚴。好修容。以嚴見憚。不得近侍。帷幄以王舅封侯。奉朝請。五侯皆敬憚之。

桂姓也。

冬十月。以朱博為大司空。

中山王太后馮氏及其弟宜鄉侯參。皆自殺。○司隸孫實奏請覆治。傅太后大怒。上乃下寶獄。唐林爭之。傅喜。龔勝復固爭。出寶復官。

丙辰 建平二年

春正月有星孛於牽牛。策免大司馬喜罷三公官。復以朱博為御史大夫。丁明為大司馬衛將軍。丁博驕奢皆嫉。博喜之恭儉。博太后欲稱尊號。喜與孔光師丹皆以為不可。上先免丹以感動喜。喜終不順。朱博與博晏共謀成尊號。數毀喜及光。遂策免喜。以侯就第。朱博奏言。故事。選郡國守相高第為中二千石。選中二千石為御史大夫。任職者為丞相。位次有序。今中二千石未更御史大夫而為丞相。權輕。非所以重國政也。臣以為大司馬官可罷。復置御史大夫。夏四月。更拜博為御史大夫。又以丁明為大

定陶王景

紹封三年。徙封信都。王至孺子。初始元年。再見。

南昌侯宇

河間惠王。子封。十四年。免。

高武侯傅喜

封二年。守正不阿。免大司馬。遣就國。是為貞侯。至莽篡。侯勁嗣。莽敗。絕。

高昌侯董宏

復封一年。至帝建平四年。再見。

魯王駿

嗣封十九年。薨。諡文。無子。至明年。閏。再見。

嚴鄉侯信

東平煬王。子封。至帝元壽元年。再見。

博山侯孔光

封三年。傅氏多譖。光免為庶人。至帝元壽元年。復封。

義成侯甘遷

嗣封一年。是為節侯。至莽篡時。侯相嗣。世祖。建武四年。為兵所殺。自元

匈奴

烏孫卑爰。寇侵西界。單于遣兵擊敗之。卑爰。驚恐。遣子趨。遂為質。單于受以狀。聞漢遣使者責讓。單于告令還歸質。子單于受。詔遣歸。

司馬衛將軍。如故事。

夏遣高武侯傅喜就國。○傅太后自詔丞相御史曰。喜附下罔上。與師丹同心背畔。其遣就國。

策免丞相博山侯光為庶人。以朱博為丞相。○孔光自議。繼嗣持異。又重忤傅太后。指策免為庶人。以朱博為丞相。封陽鄉侯。少府趙元為御史大夫。臨延登受策。有大聲如鐘。鳴殿中。以問黃門侍郎楊雄。及李尋。尋對曰。此洪範所謂鼓妖也。人君不聽為眾所惑。空名得進。則有聲無形。歲月日之中。則正卿受之。宜退丞相御史。以應天變。不退。不出期年。其人自蒙其咎。雄亦以為鼓妖聽失之象。博彊毅多權謀。宜將不宜相。恐有凶惡。

武平侯璜

東平煬王。子封。至帝元壽元年。再見。

陽鄉侯朱博

四月。以大司馬復為御史大夫。以御史大夫為丞相。封八月。坐受傅太后指。奏免傅喜。召詣廷除。自殺。國

帝竟寧元年。封侯。延壽。至相。凡四侯。

漢哀帝

亟疾之怒上不聽。詔共皇去定陶之號立廟京師。尊共皇太后傅氏為帝太后。后共皇后丁氏為帝太后。○用丞相朱博議也。帝太后稱永信宮。帝太后稱中安宮。四太后各置少府太僕。傅太后尤驕與太皇太后語至謂之嫗。○時丁傅以一二年間暴興尤盛為公卿列侯者甚衆。然帝不甚假以權勢不如王氏在成帝世也。免關內侯師丹為庶人。遣新都侯王莽就國。○丞相御史言師丹王莽抑貶尊號虧損孝道當伏顯戮幸蒙赦令不宜有爵土請免為庶人。詔免丹。遣莽就國。天下多冤王氏者。諫大夫楊宜言太皇太后春秋七十數更憂傷救親戚避

成都侯王邑

紹封一年。以侯商子侯況弟封至莽篡為隆信公與莽俱死。

邛成侯王勲

嗣封十四年。元康二年封侯奉光孫。

丁傅行道之人為之隕涕。陛下登高遠望獨不慚於延陵乎。上深感之。封商子邑為成都侯。○延陵成帝陵墓。

罷州牧。復置刺史。○朱博奏言州牧功效陵夷。姦軌不禁。請罷州牧。置刺史如故。上從之。

六月庚申太后丁氏崩。詔歸葬定陶共皇之園。

大赦。改元太初。更號陳聖。劉太平皇帝。○待詔黃門夏賀良言。漢歷中衰。當更受命。宜改元易號。可得延年益壽。上久寢疾。從之。

秋七月。詔以永陵亭部為初陵。勿徙民。

八月。詔罷改元易號事。待詔夏賀良等伏誅。○上改號月餘。寢疾自若。賀良等復欲妄變政事。進退大臣。上以其言無

坐選舉不以實。罵廷史大不敬。免至平帝元始元年。堅固再見。

安昌侯張禹

封二十一年。薨。諡節子宏嗣。

漢哀帝

驗詔賀良等反道惑眾皆下獄伏誅

盡復諸神祠。上以寢疾。盡復

前世所嘗興諸神祠。凡七百

餘所。一歲三萬七千餘祠云。

丞相博有罪自殺。御史大夫趙

元減死論。○傳太后怨傅喜

不已。使孔鄉侯晏。風丞相奏

免喜。侯博與元議元言事已

前決。得無不宜。博曰。已許孔

鄉侯矣。匹夫相要。尚相得死。

何況至尊。謂博博唯有死耳。

元即許可。博惡獨斥奏喜。以

何武前就國。與喜似。即并奏

喜武。皆請免為庶人。上疑博

元承指。召元詣尚書問狀。元

辭服。詔減元死罪三等。削晏

戶四分之一。假謁者節。召丞

相詣廷尉。博自殺。國除。

冬十月。以平當為丞相。○九月

為御史大夫。十月。遷為丞相。

以冬月故。且賜爵關內侯。○

冬月非封侯時。更春乃封也。

以京兆尹王喜為御史大夫。○

按喜當作嘉。

策免左將軍淮陽彭宣。以關內

侯歸家。以光祿勳丁望代為

左將軍。

丁巳
建平三年

春正月。帝太后所居桂宮正殿火。三月。丞相當薨。○上召當欲封之。當病篤。不應召。或謂當不可強起。受印為子孫。邪當曰。吾居大位。已負素餐。受印還死。死有餘罪。不起。所以為子孫也。乞骸骨。不許。三月薨。有星孛於河鼓。夏四月。以王嘉為丞相。河南太守王崇為御史大夫。○崇駿之子也。嘉以時政苛急。郡國守相數有變動。乃上疏曰。國家有急。取辦於二千石。二千石尊重難危。乃能使下。今諸大夫有才能者甚少。宜豫畜養。可成就者。則士赴難不愛其死。臨事倉卒。乃求非所以

廣平王廣漢 廣陽王璜

新甫侯王嘉

更封一年。以廣德夷王弟更封。○自鴻嘉二年。夷王雲絕。至是更封。莽篡。貶公一年。廢。○自景帝三年。中山靖王勝以皇子封。至廣漢凡八王。兩絕。兩更封。

嗣封二十一年。薨。諡思子嘉立。○武帝六世孫。

安昌侯張宏

嗣封一年。至更始為兵所殺。

明朝廷也。因薦儒者公孫光。滿昌及能吏蕭咸薛修。上嘉納之。

魯王閔

菑川王友

宜春侯王彊

冬十一月。復泰時汾陰祠。罷南北郊。

紹封一年。以頃王子。郡鄉侯紹。封。莽篡。貶公一年。獻神書。稱功德。封列侯。賜姓王。○

嗣封六年。薨。諡懷子。永立。莽篡。貶公一年。廢。○自文帝十六年。帝志以齊悼惠王子封。至永凡八王。

嗣封一年。元鳳四年。封侯。詎曾孫。至更始元年。為兵所殺。凡四世。

無鹽危山土起。瓠山石立。東平王雲坐祠祭祝詛。自殺。以孫寵為南陽太守。息夫躬為光祿大夫。○東平王雲及后謁自之石所祭祀之。息夫躬孫寵相與謀曰。此取封侯之計也。乃因中常侍宋弘。上變事告焉。時上被疾。多所惡。逮謁驗治。雲自殺。謁棄市。事連御史大夫王崇。左遷大司農。擢寵南陽太守。弘躬皆光祿大夫。左曹給事中。

封。莽篡。貶公一年。獻神書。稱功德。封列侯。賜姓王。○景帝六世孫。自共王餘。以皇子封。淮陽徙魯。至閔凡六世。

齊悼惠王子封。至永凡八王。

元鳳四年。封侯。詎曾孫。至更始元年。為兵所殺。凡四世。

東平王雲

嗣封十七年。坐視詔上自殺。諡。宣帝孫。國除。絕三歲。至平帝元始元年。開明再見。

昌成侯江

神爵三年。封侯。元至。曾孫江。薨。諡。質。無子。國除。凡四世。

建平四年

戊午

春正月大旱

關東民訛言行籌。關東民無故驚走。持橐。釋或。振。麻一枚。轉相付與。曰。行西王母籌。道中相過。逢多。至千數。或被髮徒跣。或夜折關。踰牆入。或乘車騎奔馳。經歷郡國二十六。至京師。不可禁止。又聚會里巷。阡陌。設張博具。歌舞。祠西王母。至秋乃止。

封傅太后從弟商為汝昌侯。○

上欲封商。尚書僕射鄭崇諫曰。成帝封五侯。天赤黃書昏。日中有黑氣。今無故欲封商。壞亂制度。非傅氏之福也。臣願以身命當國。答因持詔書案起。傅太后大怒。曰。何有為天子。乃反為一臣所顛制耶。

廣陽王嘉

嗣封一年。至己巳。莽篡。免。○自宣帝本始元年。頃王建以燕刺王。且子更封。至嘉凡四王。

陵鄉侯曾

楚思王子。封。至十七年。莽甲戌。舉兵欲誅。莽不克而。死。○思王衍。宣帝曾孫。

汝昌侯傅商

以傅太后從弟封。

楚王衍

紹封二十一年。薨。諡。思子紆。嗣。至明年再見。

武安侯授

楚思王子。封。至帝元壽二年。再見。○授音受。

陽新侯鄭業

以皇太太后同母弟。子封。至帝元壽二年。再見。

匈奴

是年單于上書於漢。願朝五年。漢報單于書。許之。未發。會病。復遣使願朝。明年許之。

漢哀帝

上遂詔封商。二月。下尚書僕射鄭崇獄。殺之。免司隸孫寶為庶人。○侍中董賢。美麗自喜。性和柔便辟。得幸於上。出則參乘。入御左右。賞賜累鉅萬。貴震朝廷。常與上臥起。嘗晝寢。偏藉上袖。上欲起。賢未覺。不欲動。賢乃斷袖而起。妻得通籍殿中。女弟為昭儀。位次皇后。父恭為少府。賜爵關內侯。詔將作大匠。為賢起大第。北闕下。窮極技巧。賜武庫禁兵。上方珍寶。皆選上第。而乘輿所服。乃其副也。至東園祕器。珠襦玉柙。無不備具。鄭崇諫。上由是數以職事見責。尚書令趙昌。因奏崇與宗族通。疑有奸。上責崇曰。君門如市。人何以欲禁。切主上。崇對曰。臣門如市。臣

湘鄉侯昌

長沙穆王。子封。至十一年。免。○穆王魯人。景帝七世孫。

高安侯董賢

以侍中。告東平王。祝詛。反逆。封。又益封。至帝元壽二年。再見。

上鄉侯歙

封三十九年。免。○景帝玄孫。

方陽侯孫寵

以騎都尉。與息夫躬。告東平王。反謀。封。至帝元壽元年。再見。

心如水上。怒。下崇獄。孫寶上書曰。崇獄覆治。榜掠將死。卒無一辭。道路稱冤。詔以寶附下。罔上。免為庶人。崇死獄中。

賜董賢爵關內侯。○上欲侯賢。而未有緣。侍中傅嘉勸上聽息夫躬告。東平本章。去宋弘。更言因賢以聞。欲以其功侯之。皆先賜爵關內侯。頃之上。心憚王嘉。乃先使持詔示丞相御史。於是嘉與賈延言。宜暴賢等本奏語。言延問公卿大夫博士議。郎明正其義。乃加爵。上必有言當封者。天下雖不說。答有所分。上不得已。且為之止。

夏六月。尊帝太太后傅氏為皇太后。秋八月。封董賢為高安侯。孫寵為方陽侯。息夫躬為宜陵侯。

宜陵侯息夫躬

以博士弟子。因董賢。告東平王。反謀。封。至帝元壽元年。再見。

高昌侯董宏

復封三年。薨。諡。煬子。武嗣。至帝元壽二年。再見。

漢哀帝

○上下詔切責公卿曰東平王雲圖殺天子公卿股肱莫能悉心銷厭未萌賴宗廟之靈侍中董賢等發覺伏辜其封賢寵及躬等皆為列侯躬數進見歷詆公卿大臣眾畏其口見之側目

左遷執金吾母將隆為沛郡都尉○上發武庫兵送董賢及上乳母王阿舍執金吾母將隆奏言古者方伯專征乃賜斧鉞漢家邊吏距寇賜武庫兵春秋之誼家不藏甲所以抑臣威損私力也今便辟弄臣私恩微妾而以天下公用給其私門非所以示四方也上不說左遷為沛郡都尉

諫大夫鮑宣上書言民有七亡七死○宣上書曰竊見孝成皇帝時外戚持權濁亂天下

是以日蝕且十彗星四起危亡之徵陛下所親見也今奈何反覆劇於前乎今民有七亡陰陽不和水旱為災一也縣官重責更賦租稅二也貪吏竝公受取不巳三也豪族大姓蠶食無厭四也苛吏徭役失農桑時五也部落鼓鳴男女遮列六也盜賊劫畧取民財物七也又有七死酷吏毆殺一也治獄深刻二也冤陷亡辜三也盜賊橫發四也怨讎相殘五也歲惡饑餓六也時氣疾疫七也民有七亡而無一得有七死而無一生此非公卿守相貪殘成化之所致耶陛下官非其人而望天悅民服豈不難哉宣語雖刻切上以宣名儒優容之匈奴單于上書請朝朝議以為

漢哀帝

虛費府帑。可且勿許。楊雄上書曰。臣聞六經之治。貴於未亂。兵家之勝。貴於未戰。今單于求朝。國家辭之。漢與匈奴。從此隙矣。匈奴天性忿鷙。負力怙氣。其和難得。故未服之時。勞師遠攻。傾國殫貨。如彼之難也。既服之後。慰薦撫循。交接賂遺。如此之備也。今單于歸義懷誠。國家雖費。不得已者也。奈何距以來厭之辭。疎以無期之日。消往日之恩。開將來之隙乎。夫百年勞之。一日失之。費十而愛一。臣竊為國不安也。惟陛下少留意於未亂未戰。以遏邊萌之禍。上寤。乃許之。賜雄帛五十匹。黃金十斤。單于未發。會病。復遣使願朝。明年上許之。傅晏害董賢之寵。又與息夫躬

謀欲求居位輔政。會單于以病未朝。躬奏以為當有他變。烏孫兩昆彌弱。其叛臣卑爰。竟疆東結單于。遣子往侍。恐其合勢。以并烏孫。則匈奴盛而西域危矣。可令降胡詐為卑爰。遣使者來上書。欲因天子威告單于。歸臣侍子。因下其章。令匈奴客聞焉。所謂上兵伐謀。其次伐交者也。上召公卿將軍議。左將軍公孫祿以為中國常以威信懷伏夷。狄躬欲逆詐。造不信之謀。不可許。且單于保塞稱藩。以疾病自陳。不失臣子之禮。臣祿自保沒身無邊境憂也。躬曰。臣為國家萬世慮。而祿欲以其犬馬齒。保目所見。臣與祿異議。未可同日語也。上曰善。乃獨與躬議。躬因言災異屢

漢哀帝

見可遣大將軍行邊斬一郡
守以厭變異上問丞相嘉嘉
對曰臣聞動民以行不以言
應天以實不以文下民微細
猶不可詐况於上天神明而
可欺哉天之見異所以戒勸
人君欲令推誠行善而謀動
干戈設為權變非應天之道
也上不聽

未巳

元壽元年

春正月辛丑朔以傅晏為大司
馬衛將軍丁明為大司馬驃
騎將軍是日日食尋罷宴就
第○詔問得失舉直言大赦
天下丞相嘉奏曰孝元皇帝
溫恭少欲賞賜節約馮貴人
以身當熊賜錢五萬而已是
時外戚貲千萬者少故少府
水衡見錢多都內錢至四十
萬萬雖遭凶年加以羌變外
奉師旅內振貧民終無傾危
之憂成帝時諫臣多言燕樂
女寵耽酒之害其言甚切終
不怨怒寵臣史育張放淳于
長等貶斥榜死不以私愛害
公義故雖多內譏朝廷安平
陛下在國好詩書尚節儉徵
來所過稱頌德美初即位易

淮陽王元

嗣封二十
六年薨諡
文子續立
至莽篡貶
公一年廢
○自宣帝
元康三年
憲王欽以
皇子封至
續凡三王

方樂侯嘉

廣陵繆王
子封至巳
巳免○繆
王舜武帝
曾孫

汝昌侯傳商

封二年
坐外附諸
侯奪除至
明年昌再
見

嚴鄉侯信

封四年
坐父大逆
免至平帝
元始元年
再見

方陽侯孫寵

封二年
以南陽守
有罪免就
國至明年
再見

漢哀帝

帷帳去錦繡。共皇寢廟。以用度不足。憂閔元元。今始作治。而董賢亦起官寺。治大第。引王渠灌園池。使者護作。甚於治宗廟。賢家有賓婚。及見親。諸官竝共賜及倉頭奴婢人十萬錢。發取市物。百賈震動。詔書罷苑。而以賜賢二千餘頃。均田之制。從此墮壞。惟陛下慎已之所。獨鄉察眾人之所共疑。往者鄧通韓嫣。驕貴失度。卒陷罪辜。所謂愛之適以害之也。宜節賢寵。全安其命。上不悅。○前涼州刺史杜鄴。以方正對策。言外家勢太甚。○徵孔光為光祿大夫。給事中。位次丞相。○初王莽既就國。杜門自守。其中子獲殺。奴莽切責。獲令自殺。吏民上書冤訟莽者百數。至是賢良

楚王紆

嗣封一年。至十一年。莽篡貶公。一年廢。○自宣帝廿露二年。孝王囂以皇子封定陶。徙楚傳至紆三世。四玉至世祖。建武九年。囂曾孫般。紹封侯。

武平侯璜

封六年。坐父大逆。免。至平帝元始元年。再見。

宜陵侯臯

封二年。以光祿大夫有罪。免。就國。至明年。再見。

博山侯孔光

廢四年。復名為丞。相封至平帝元始五年。再見。

新甫侯王嘉

封三年。為丞相守正。不阿董賢。坐罔上。詔詣廷尉。下獄二十餘日。不食。歐血死。國除。至平帝元始四年。追諡忠子。崇紹封。

周護宋崇等對策。復深訟莽。上徵莽及平阿侯仁。還京師。侍太后。○董賢沮晏躬之策。上乃收晏印綬。罷就第。

丁巳。皇太后傅氏崩。合葬渭陵。號孝元傅皇后。史記正義曰。漢帝后同陵。則為合葬。不合陵也。傅氏以側室而合葬。稱孝元傅皇后。太皇太后在上。此心為何如耶。

孫寵息夫躬以罪免。就國。以鮑宣為司隸。○宣上書曰。陛下父事天。母事地。子養黎民。比來父虧明。母震動。子訛相驚。今日食於三始。誠可畏懼。小民正朔日。尚恐毀敗器物。况於日虧乎。陛下避正殿。舉直言。求過失。罷外親。徵孔光。遣孫寵息夫躬。就國。眾庶莫不

漢哀帝

喜悅天人同心。人心悅則天
意解矣。乃二月丙戌。白虹干
日。連陰不雨。此天有憂。結未
解。民有怨望。未塞者也。董賢
以令色諛言。自進。誠欲哀賢。
宜免遣就國。收乘輿器物。不
者。海內所仇。未有得久安者。
也。孫寵息夫躬。不宜居國。可
皆免。復徵何武。師丹。彭宣。傅
喜。以應天心。上乃徵武。宣而
拜鮑宣為司隸。

下丞相新甫侯王嘉獄殺之。

上託傳太后遺詔。益封董賢
二千戶。王嘉封還詔書。初廷
尉梁相治東平王雲獄。心疑
雲寃。欲更覆治。尚書鞫譚僕
射宗伯鳳。以為可許。上以為
顧望。兩心免相等。為庶人。後
赦。嘉薦相等。皆有材行。竊為
朝廷惜。此三人。上不能平。及

封還董賢事。上乃發怒。召嘉

詣尚書。責問以相等事。假謁

者節。名詣廷尉。詔獄。椽吏涕

泣和藥進。嘉引杯擊地曰。丞

相負國。當伏刑都市。豈見女

子耶。遂裝出。拜受詔。乘吏小

車去。蓋不冠。詣廷尉。廷尉收

丞相新甫侯印綬。縛致都船

詔獄。上聞嘉生自詣吏。大怒。

使將軍以下與五二千石。雜

治吏詰問。嘉對曰。相等治獄。

欲關公卿。示重慎。誠不見其

顧望阿附。幸赦。臣為國惜賢。

不私此三人。吏稍侵辱。嘉

仰天歎曰。幸得充備宰相。不

能進賢。退不肖。以是負國。死

有餘責。吏問賢不肖。主名。嘉

曰。賢孔光。何武不能進。惡董

賢父子不能退。死無所恨。遂

不食。嘔血死。元始中。追諡曰

漢哀帝

忠紹其卦

秋七月以孔光為丞相八月以何武為前將軍彭宣為御史大夫○上覽王嘉之奏思其言故有是命光復故爵

下司隸鮑宣獄髡鉗之○丞相光行園陵官屬以令行馳道中宣逢使吏鉤止沒入其車馬摧辱丞相事下御史中丞侍御史欲捕從事宣閉門不納遂以拒閉使者大不敬不道下獄諸生舉幡太學下曰欲救鮑司隸者會此會者千人遮丞相自言又守闕上書上竟抵宣罪

九月策免大司馬驃騎將軍明就第○明素重王嘉以其死而憐之上方欲極董賢位恨明如此遂免

冬十二月以董賢為大司馬衛

將軍○時賢年二十二雖為

三公常給事中領尚書事百

官因賢奏事父恭不宜在卿

位徙為光祿大夫親屬皆侍

中奉朝請寵在丁傅右矣上

故令賢私過孔光光聞賢來

衣冠出門望見賢車却入拜

謁送迎甚謹不敢以賓客鈞

敵之禮上喜立拜光兩兄子

為諫大夫常侍賢自是權與

人主侔矣○時王氏衰廢惟

王閔為中常侍上置酒麒麟

殿賢父子親屬晏飲上在酒

所從容視賢笑曰吾欲法堯

禪舜何如王閔進曰天下乃

高皇帝天下陛下承宗廟當

傳子孫於無窮統業至重天

子無戲言上默然左右遣閔

出歸郎署太皇太后為閔謝

復召還閔又上書諫曰昔文

帝幸鄧通不過中大夫武帝幸韓嫣賞賜而已皆不在大位今董賢無故封侯列備鼎足橫蒙賞賜空竭帑藏誼譁道路不當天心上雖不從閑言多其年少志強亦不罪也

庚申 元壽二年

春正月匈奴單于烏孫大昆彌皆來朝。漢以為榮。時西域凡五十國自譯長至將相侯王皆佩漢印綬。凡三百七十六人。而康居大月氏安息罽賓烏弋之屬皆以絕遠不在數中。其來貢獻則相與報。不督錄總領也。正謂不屬自黃龍以來。單于每入朝其賞賜錦繡繒絮輒加厚於前。以慰接之。單于宴見羣臣在前。單于怪董賢年少以問譯。上令譯報曰。大司馬年少以大賢居位。單于乃起拜賀。漢得賢臣。

胡寅曰。漢既衰矣。而匈奴烏孫猶不廢禮。西域佩印綬者五十餘國。雖曰中國

中山王箕子宜禾侯得長平侯彭宣弋陽侯任岑

嗣封七年。七月太皇太后遣使持節迎立為皇嗣。

河間孝王子封。是為節侯。傳侯恢免。孝王慶。景帝六世孫。

五月以大司空封。八月以莽專政乞歸。遣就國。數年薨。

嗣封二十四年。薨。諡孝子。固嗣。

富春侯元

河間孝王子封。至已免。

高安侯董賢延鄉侯李譚

封三年。太皇太后冊賢年少。未更事。理不合眾心。收印綬。即日賢與妻子皆自殺。

封十三年。薨。諡節子。成嗣。

烏孫單于入朝

漢哀帝

榮觀譬猶大木。遠枝尚茂。而蠹生心腹。根幹將顛矣。是故聖主專務治內。以固其本。不勤遠畧而忽近圖。其慮深矣。

夏四月壬辰晦日食。

五月正三公分職。董賢為大司馬。孔光為大司徒。彭宣為大司空。

劉友益曰。正三公分職。何帝私也。欲尊董賢。遂復三公。而升大司馬於大司空之上。徇私情。亂舊章。故三人仍舊任。而列序若新命者。所以病哀帝而愧孔彭也。

六月戊午。帝崩於未央宮。○帝賭孝成之世祿去王室。及即位。屢誅大臣。欲彊主威。以則武宣。然以寵信讒諂。憎疾忠

武安侯悛

封三年。坐使奴殺人。免。至明年再見。

昌鄉侯憲

封三十一年。坐使家丞封上印綬。不敬。免。

父恭弟寬。信與家屬。徙合浦。

始

平陽侯曹本

紹封一年。以愨侯參九世孫杜陵公士。詔封千戶。至平帝元始元年。益滿二千戶。至世祖建武二年。侯宏以軍功。紹封。傳侯曠。

高武侯傅喜

大皇太后詔褒喜姿性端慤。議論忠直。介然守節。以故斥逐。就國。其還喜長安。位特進。奉朝請。後復遣就國。以壽終。

直。漢業由是遂衰。

賀善贊曰。哀帝初政清明。多可紀者。自七月而後。至建平四年二月以前。綱目所書封誅拜斥。凡二十八。其十七皆為傅太后。其不為傅太后者。十一事耳。自四年二月而後。以至於終。所書封拜誅斥。凡十九。其十一皆為董賢。其不為董賢者。八事耳。自始至終。一私輾轉。是以雖欲內彊主威。而漢業卒衰。有由然耳。

董賢以罪罷。即日自殺。○太皇太后聞帝崩。即日駕之未央宮。收取璽綬。召大司馬賢問。以喪事調度。賢憂懼不能對。免冠謝。太后曰。新都侯莽。前奉送先帝。大行。曉習故事。吾令莽佐君。遣使馳召莽。詔尚

黃侯申

建昭元年。躬封侯。順子薨。謚釐。無子。國除。

宜陵侯息夫躬

封三年。坐祝詛。下獄死。

高昌侯董武

嗣封一年。地節四年。封侯。忠孫。建平二年。復封侯。宏子。至是。武復坐父宏。邪。伎奪除。

共樂侯訢

更封一年。陽朔二年。封樂平侯。即免。至是。更封。

武陽侯史獲

嗣封一年。鴻嘉元年。封侯。丹孫。至更始元年。為兵所殺。

附

烏孫

大昆彌伊秩靡入朝

漢哀帝

書諸發兵符節百官奏事。中黃門期門兵皆屬焉。莽以太后指使尚書劾賢不親醫藥。禁止不得入宮殿。賢詣闕免冠徒跣謝。已未。莽以太后詔。即闕下冊收賢印綬。罷歸第。即日與妻皆自殺。家惶恐。夜葬。莽疑詐死。發棺至獄。診視。囚埋獄中。收沒入家財四十萬。三萬萬。父恭與家屬徙合浦。太皇太后以王莽為大司馬。領尚書事。太皇太后詔公卿舉可大司馬者。孔光以下皆舉。莽獨何。武公孫祿以為往時外戚幾危社稷。今比世無嗣。方當選立近親幼主。不宜令外戚持權。於是武舉祿。祿亦舉武。太皇太后自用莽。秋七月。迎中山王箕子為嗣。太皇太后與莽議遣車騎將

德侯勳

紹封一年。高帝九年。封侯廣玄。孫之孫。自武帝元鼎五年。侯何坐酎金奪除。至是。紹封于戶。莽篡免。

陽新侯鄭業

封三年。坐非正免。

孔鄉侯傅晏

封七年。坐亂妻妾位免。徙合浦。

軍王舜使持節迎之

貶皇太后為孝成皇后。○莽白

太皇太后。詔以皇太后前與

女弟昭儀。專寵銅殿。殘滅繼

嗣。貶徙居北宮。

徙孝哀皇后於桂宮。追貶傅

太后為定陶共王母。丁太后

為丁姬。○莽白太皇太后追

貶傅氏。丁氏皆免官爵。歸故

郡。獨下詔褒傅喜。還喜長安。

位特進。奉朝請。喜孤立憂懼。

後復遣就國。以壽終。

以甄邯為侍中。策免將軍何武。

公孫祿。遣紅陽侯王立就國。

○莽以孔光名儒。相三主。太

后所敬。天下信之。於是盛尊

事光。引光女婿甄邯為侍中。

諸素所不說者。皆傳致其罪。

為請奏草。令邯以太后指風

光上之。莽白太后。輒可其奏。

汝昌侯傅昌

紹封一年。上年免侯。商兄子。夏昌以奉先侯祀。封秋。坐非正免。

方陽侯孫寵

封三年。坐前為奸。讒免。徙合浦。

於是劾奏何武公孫祿互相稱舉免官就國董武母將隆張由史立丁元趙昌皆免為庶人紅陽侯立遣就國於是順附者拔擢以王舜王邑為腹心甄豐甄邯主擊斷平晏領機事劉秀典文章孫建為爪牙莽色厲而言方欲有所為微見丰采黨與順指顯奏之莽稽首涕泣固推讓上惑太后下示信於眾庶焉
八月廢孝成孝哀皇后就其園皆自殺
大司空宣遣就國○彭宣以莽專權乃上印綬乞骸骨莽白太后策免使就國莽恨宣求退不賜黃金安車駟馬宣居國數年薨
班固曰彭宣見險而止異乎苟患失之者矣

以王崇為大司空
九月辛酉中山王箕子即皇帝位年九歲
太皇太后臨朝大司馬莽秉政百官總已以聽
以孔光為帝太傅馬宮為大司徒○莽權日盛孔光憂懼不知所出上書乞骸骨莽白太后徙光為帝太傅領宿衛供養行內署門戶省服御食物以馬宮為大司徒甄豐為右將軍
冬十月壬寅葬義陵

